



**Sumáriu Kazu
Tribunál Distritál Baukau
Outubru 2021**

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la representa JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru feto no ema vulneravel. JSMP afirma la iha justifikasaun ba kualkér violénsia hasoru feto.

A. Sumáriu prosesu julgamentu kazu iha Tribunál Distritál Baukau

1. Totál kazu ne'ebé JSMP monitoriza: 43

| Artigu | Tipu Kazu | Númeru |
|--|--|--------|
| Artigu 145 Kódigu Penál (KP) & artigu 2, 3, no 35 letra (b) no artigu (LKVD) | Ofensa ba integridade fízika simples ho natureza violénsia doméstika (artigu 2 kona-ba konseitu violénsia doméstika, artigu 3 kona-ba relasaun família, artigu 35 kona-ba tipu krime violénsia doméstika (VD) sira no artigu 36 kona-ba krime sira violénsia doméstika nian hanesan krime públiku) | 20 |
| Artigu 171 KP, | Koasaun seksuál | 1 |
| artigu 177 (1) KP, | Abuzu seksuál ba menór | 2 |
| artigu 145 KP & artigu 2, 3, no 35 letra (b) LKVD no artigu 157 KP | Ofensa ba integridade fízika simples ho natureza violénsia doméstika no ameasa | 2 |
| Artigu 145 KP no artigu 258 KP | Ofensa ba integridade fízika simples no danu simples | 1 |
| Artigu 145 KP | Ofensa ba integridade fízika simples | 1 |
| Artigu 20 (1), artigu 2 (2 alinea f) Lei Arma Brankas | Arma brankas | 2 |
| Artigu 146 (b,c) KP, | Ofensa ba integridade fízika grave | 1 |

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

info@jsmp.tl

Facebook: www.facebook.com/timorleste.jsmp

Twitter: @JSMPtl

| | | |
|---|--|-----------|
| Artigu 140 (1) KP no artigu 207 KP | Omisídiu neglijente no kondusaun sein karta | 1 |
| Artigu 155 KP no artigu 2 (a), 3(c), 35(a) LKVD | Maus-tratus ba menór | 2 |
| Artigu 155 KP no artigu 2, 3(c), 35(a) LKVD no Artigu 20 (1), artigu 2 (2 alinea f) Lei Arma Brankas | Maus-tratus ba menór no arma barkas | 1 |
| Artigu 155 KP no artigu 2, 3(c), 35(a) LKVD no 145 KP | Maus-tratus ba menór no ofensa ba integridade fízika simples | 1 |
| Artigu 145 KP & artigu 2, 3, no 35 letra (b) LKVD, artigu 157 KP no Artigu 20 (1), artigu 2 (2 alinea f) Lei Arma Brankas | Ofensa ba integridade fízika simples ho natureza violénsia doméstika, ameasa no arma brankas | 1 |
| Artigu 154 KP & artigu 2, 3 (a), no 35 (a) LKVD | Maus-tratus ba kónjuje | 3 |
| Artigu 145 KP & artigu 2, 3, no 35 letra (b) LKVD, Artigu 20 (1), artigu 2 (2 alinea f) Lei Arma Brankas | Ofensa ba integridade fízika simples ho natureza violénsia doméstika no arma brankas | 2 |
| Artigu 138 KP, artigu 23 KP no artigu 24 KP no artigu 2, 3, no 35 letra (b) (LKVD) | Tentativa omisídiu agravadu ho natureza violénsia doméstika | 1 |
| artigu 139 (c,d,h) KP artigu 24 KP no artigu 2, 3, no 35 letra (b) (LKVD), artigu 20 (1), artigu 2 (2 alinea f) Lei Arma Brankas no artigu 157 KP | Omisídiu agravadu ho natureza violénsia doméstika, arma brankas no ameasa | 1 |
| Totál | | 43 |

2. Totál desizaun ne'ebé JSMP monitoriza: 34

| Tipu desizaun | Artigu | Númeru |
|--|----------------|-----------|
| Pena prizaun | Artigu 66 | 4 |
| Suspensaun ba prizaun nia ezekusaun | Artigu 68 KP | 24 |
| Suspensaun ba prizaun nia ezekusaun no Omologa | Artigu 68 KP | 2 |
| Pena multa | Artigu 67 KP | 2 |
| Omologa | Artigu 216 KPP | 1 |
| Absolve | | 1 |
| Totál | | 34 |

3. Totál kazu sira ne'ebé adia tuir JSMP nia monitorizasaun: 0

4. Totál kazu ne'ebé sei kontinua prosesu tuir JSMP nia monitorizasaun: 9

B. Deskrisaun sumáriu julgamentu ba desizaun kazu sira

1. Krime koasaun seksuál

Nú. Prosesu : 0020/20 VQSIC
Kompozisaun Tribunál : Koletivu
Juis : Dra. Florensia Freitas no Dra Jumiaty M. Freitas, Dr. Jose Q. S. Celestino
Prokuradór : Dr. Julio da Silva Correia
Defeza : Dr. António Fernandes
Desizaun : Pena prizaun tinan 3 suspende ba tinan 3

Iha 04 Outubru 2021, Tribunál Distrital Baukau prezide julgamentu leitura akodaun ba krime koasaun seksuál ne'ebé envolve arguidu NdCP hasoru lezada IS, iha Munisípiu Vikeke.

Akuzasaun Prokuradór

Prokuradór akuza katak iha 03 Novembru 2020, iha oras tuku 18:00 lokraik, arguidu tama ba loja laran dudu lezada monu ba rai hafoin arguidu uza nia ain-tuur hodi hanehan lezada ba rai no kaer metin lezada nia liman rua hafoin arguidu buti lezada nia hirus matan parte karuk, nune'e lezada hakilar maka'as, maibé arguidu kontinua hanehan lezada ba rai hafoin buti no lamas lezada nia orgaun seksuál, bainhira lezada hakilar to'o lian laiha mak arguidu foin husik lezada, nune'e lezada hamrik hodi halai sai husi loja laran. Konsekuénsia husi arguidu nia aktu ne'e rezulta lezada sofre moras iha

nia kotuk laran no lezada sente moe ba nia fetu maluk sira no mós sente laiha dignidade.

Prokuradór akuza arguidu kontra artigu 171 KP kona-ba koasaun seksuál ho nia moldura penál tinan 2 to'o tinan 8.

Produsaun ba prova sira

Iha julgamentu arguidu deklarata katak faktu iha akuzasaun loos hotu, arguidu deklarata mós katak iha momentu akontesimentu arguidu ho kondisaun lanu nune'e arguidu lahatene tuir nia an, antes ne'e arguidu ho lezada koñese malu ona no depoisde akontesementu arguidu husu ona deskulpa, no sira rezolve ona kazu ne'e tuir kultura Timor nian arguidu fó sala ho osan US\$250,00 ba lezada no mós sira halo akordu dame hodi asina husi parte rua.

Aleinde ne'e lezada mós konfirma faktu sira hotu iha akuzasaun no konfirma ho lezada nia deklarasaun katak kazu ne'e sira rezolve ona tuir kultura Timor nian no arguidu husu ona diskulpa ba lezada no halo ona akordu dame nian.

Tribunál decide hodi la rona tan testemuña ninia deklarasaun tanba arguidu konfesa ba faktu no lezada mós konfirma faktu sira iha akuzasaun.

Alegasaun final

Prokuradór konsidera faktu hotu provadu, bazeia ba konfisaun arguidu nian no konfirma mós husi lezada, nune'e prokuradór husu ba tribunál atu kondena arguidu ho pena prizaun tinan tolu.

Entretantu defeza husu ba tribunál atu kondena arguidu ho pena prizaun tinan rua no suspende ba tinan tolu ho konsiderasaun sira katak arguidu konfesa, kazu ne'e sira rezolve ona tuir kultura Timor nian no sira di'ak malu ona.

Desizaun

Depoisde avalia faktu hotu, tribunál prova katak arguidu tama ba loja laran dudu lezada monu ba rai hafoin arguidu uza nia ain-tuur hodi hanehan lezada ba rai no kaer metin lezada nia liman rua hafoin arguidu buti lezada nia hirus matan parte karuk, nune'e lezada hakilar maka'as, maibé arguidu kontinua hanehan lezada ba rai hafoin buti no lamas lezada nia orgaun seksuál, bainhira lezada hakilar to'o lian laiha mak arguidu foin husik lezada, nune'e lezada hamrik hodi halai sai husi loja laran.

Bazeia ba faktu provadu sira ne'e no tetu mós ho sirkunstánsia atenuante sira hanesan arguidu konfesa, sira di'ak malu ona no kazu ne'e sira rezolve ona tuir kultura Timor nian, nune'e tribunál konklui prosesu ne'e kondena arguidu ho pena prizaun tinan tolu suspende ba tinan tolu.

2. Krime ofensa ba integridade fízika simples ho natureza violénsia doméstika no danu simples

Nú. Prosesu : 0006/21. BCLGA

Kompozisaun Tribunál : Singulár
Juis : Dra. Florencia Freitas
Prokuradór : Dr. Bartolomeu de Araújo
Defeza : Dr. António Fernandes
Desizaun : Pena prizaun tinan 4 suspende ba tinan 1

Iha 04 Outubru 2021, Tribunál Distritál Baukau prezide julgamentu leitura sentensa ba krime ofensa ba integridade fízika simples ho natureza violénsia doméstika no danu simples ne'ebé envolve arguidu LJOB hasoru nia feen, iha Munisípiu Baukau.

Akuzasaun Prokuradór

Prokuradór akuza katak iha 23 Marsu 2021 iha oras tuku 16:00 lorikaik, arguidu tama ba kioske laran tebe dala ida iha lezada nia hirus matan, tebe dala ida iha kabun, tebe dala ida iha lezada nia asentu no tuku dala ida iha lezada nia liman parte karuk. Arguidu mós tebe rahun tiha manu tolun rak ida no tebe fera susu ben indo milk rua, valor husi estragus mak US\$5.50.

Prokuradora akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD no artigu 258 KP kona-ba danu simples ho moldura penál to'o tinan 3 ka multa

Produsaun ba prova sira

Iha prosesu julgamentu, arguidu konfesa faktu hotu iha akuzasaun, arrepende nia hahalok no promete iha futuru sei la halo tan krime hasoru lezada no ema seluk, arguidu nu'udar agrikultór rezultadu hodi sustenta de'it ba família no di'ak malu ona ho lezada.

Alende ne'e, lezada kontinua konfirma faktu hotu iha akuzasaun no deklarara mós katak di'ak malu ona ho arguidu.

Alegasaun finál

Prokuradór haktuir katak arguidu provadu komete krime rua hasoru lezada, nune'e atu prevene arguidu nia hahalok iha futuru labele hatoman an rezolve problema ho violénsia. Nune'e husu ba tribunál atu kondena arguidu ba pena prizaun fulan rua suspende ba tinan ida.

Entretantu, defeza haktuir katak arguidu kofesa faktu hotu iha akuzasaun sein rezerva, arrepende nia hahalok, di'ak malu ona ho lezada maibé lezada mak lakohi no foin primeiravés mai hatan iha tribunál. Tanba ne'e defeza husu ba tribunál atu kondena arguidu ho pena ne'ebé adekuadu.

Desizaun

Depoisde avalia faktu hotu, tribunál prova katak arguidu tebe dala ida iha lezada nia hirus matan, tebe dala ida iha kabun, tebe dala ida iha lezada nia asentu no tuku dala ida iha lezada nia liman parte karuk. Arguidu mós tebe rahun tiha manu tolun rak ida no tebe fera susu ben indo milk rua, valor husi estragus mak US\$5.50.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende nia hahalok, di'ak malu ona ho lezada, nune'e tribunál konklui prosesu ne'e kondena arguidu ho pena prizaun fulan haat suspende ba tinan ida.

3. Krime abuzu seksuál ba menór

Nú. Prosesu : 0013/20. BCVMS
Kompozisaun Tribunál : Koletivu
Juis : Dra. Maria Modesta de Almeida Viera no Dra. Sribuana da Costa Dr. José António d. Escurial
Prokuradór : Dr. João Marques
Defeza : Dr. Germano Guterres Ramos
Desizaun : Pena prizaun tinan 8

Iha 07 Outubru 2021, Tribunál Distritál Baukau prezide julgamentu leitura akordaun ba krime abuzu seksuál ba menór ne'ebé envolve arguidu PDF hasoru lezada LdC (idade tinan 13, fulan 10), iha Munisípiu Baukau.

Akuzasaun Prokuradór

Prokuradór akuza katak, 11 Outubru 2020 iha oras tuku 18:00 lokraik, lezada ho nia bin sira ba partisipa festa kazamentu, to'o iha fatin serimonia sira hola fatin tuur besik malu depoisde jantar no bainhira tama ba dansa lezada la dansa maibé assiste de'it maiz menus iha oras tuku 03:00 madrugada, arguidu mai kaer lezada nia kabaas no dehan ba lezada fó lai númeru, no lezada hatan katak hau la kaer telefone arguidu hatan loos ona ita ba liur de'it nune'e lezada mós tuir arguidu ba liur iha dapur kotuk no hahu konverse ona arguidu husu lezada nia naran, fatin eskola, depoisde konverse arguidu dehan ba lezada "*ita rua halo relasaun seksuál la*" nune'e lezada hatan "*ó hanesan ema bilan atu mai hasoru malu ka mai atu halo relasaun seksuál*" sira halo duni relasaun seksuál.

Prokuradór akuza arguidu kontra artigu 177 (1) KP kona-ba abuzu seksuál ba menór ho moldura penál tinan 5 to'o tinan 15 prizaun.

Produsaun ba prova sira

Iha prosesu julgamentu, arguidu konfensa faktu hotu iha akuzasaun, no arguidu deklarata katak halo relasaun seksuál ho lezada, tanba hakarak ho hakarak, arguidu mós deklarata katak arrepende nia hahalok.

Alende ne'e, lezada kontinua konfirma faktu hotu iha akuzasaun no deklarata katak foin kuñese arguidu iha festa ne'e.

Alegasaun finál

Prokuradór haktuir katak arguidu provadu komete krime abuzu seksuál hasoru lezada, bazeia konfisaun arguidu nian no konfirma mós husi lezada, no lezada ninia idade foin

tinan 13 fulan 10 no foin mak eskola iha ensino primaria, nune'e husu ba tribunal atu kondena arguidu ho pena prizaun tinan sanulu resin haat.

Alende ne'e, defeza husu ba tribunál atu kondena arguidu ho pena ne'ebé adekuadu ho konsiderasaun sira katak arguidu konfesa, arrepende nia hahalok.

Desizaun

Depoisde avalia faktu hotu, tribunal prova katak arguidu komete duni krime abuzu seksuál hasoru lezada no haree ba lezada ninia idade ne'ebé mak sei menor.

Bazeia ba faktu provadu sira no tetu mós sirkunstánsia atenuante sira hanesan arguidu, konfesa, arrepende nia hahalok, nune'e tribunál konklui prosesu ne'e no kondena arguidu ho pena prizaun tinan ualu.

4. Krime ofensa ba integridade fízika simples ho natureza violénsia doméstika

Nú. Prosesu : 0009/21. BCQLC
Kompozisaun Tribunál : Singulár
Juis : Dra. Maria Modesta d. A. Viera
Prokuradór : Dr. João Marques
Defeza : Dr. José Maria Caetano Guterres
Desizaun : Pena multa US\$40.00

Iha 07 Outubru 2021, Tribunál Distritál Baukau prezide julgamentu leitura sentensa ba krime ofensa ba integridade fízika simples ne'ebé envolve arguidu JF hasoru nia feen, iha Munisípiu Baukau.

Akuzasaun Prokuradór

Prokuradór akuza katak iha 20 Feveireiru 2021, iha oras tuku 19:00 kalan, arguidu tuku dala ida iha lezada nia liman parte loos rezulta moras. Antes agresaun ne'e, arguidu ho lezada diskute malu kona-ba lezada haruka arguidu atu lori masa galong bee nian ba troka iha kioske, maibé arguidu lakohi tanba fó han hela fa'hi, nune'e mosu agresaun hirak ne'e no lazada ba hato'o keixa iha Polísia Eskuadra Kelikai.

Prokuradór akuza arguidu kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa no konjuga ho artigu 2, 3(a), 35(b) no 36 LKVD.

Produsaun ba prova sira

Iha prosesu julgamentu, arguidu konfesa faktu hotu iha akuzasaun, arrepende nia hahalok, foin primeiravés mai hatan iha tribunál, forma família iha tinan 1998 foin primeiravés halo agresaun hasoru lezada, depoisde akontesimentu arguidu la baku ona lezada, arguidu mak sustenta família no serbisu nu'udar agrikultór laiha rendimentu fiksi kada fulan.

Alende ne'e lezada kontinua konfirma faktu hotu iha akuzasaun no deklarasaun mós katak depoisde akontesimentu lezada ho arguidu di'ak malu ona no hela hamutuk nafatin to'o agora arguidu la baku ona lezada.

Alegasaun finál

Prokuradór haktuir katak mezmú sira moris hamutuk kleur ona no arguidu foin primeiravés baku lezada, maibé atu prevene arguidu ninia hahalok ne'e iha futuru atu la bele hatoman-an rezolve problema uma laran ho violénsia, nune'e husu ba tribunál atu kondena arguidu ba pena prizaun fulan tolu suspende ba tinan ida.

Enkuantu defeza haktuir katak arguidu konfesa faktu hotu, di'ak malu ona ho lezada, arrepende ninia hahalok, durante forma família iha tempu naruk nia laran foin primeiravés halo agresaun hasoru lezada, nune'e husu ba tribunál atu fó pena adekaudu ba arguidu.

Desizaun

Depoisde avalia faktu hotu, tribunál prova katak arguidu tuku dala ida iha lezada nia liman parte loos rezulta moras.

Bazeia ba faktu provadu sira no tetu mós ho sirkunstánsia atenuante sira hanesan arguidu konfesa, arrepende nia hahalo, arguidu foin primeiravés mai hatan iha tribunálno di'ak malu ona ho lezada, nune'e tribunál konklui prosesu ne'e no kondena arguidu ho pena multa US\$40.00 ne'ebé arguidu sei selu US\$0,50, kada loron durante loron 80. Tribunál mós fiksa pena alternativa durante loron 40 prizaun, bainhira arguidu la kumpri pena multa refere.

5. Krime ofensa ba integridade física simples natureza violénsia doméstika

| | |
|----------------------|--|
| Nú. Prosesu | : 0015/20. VQWTL |
| Kompozisaun Tribunál | : Singulár |
| Juis | : Dra. Maria Modesta de Almeida Viera |
| Prokuradór | : Dr. Julio da Silva Correia |
| Defeza | : Dr. José Maria Caetano Guterres |
| Desizaun | : Pena prizaun fulan 6 suspende ba tinan 1 |

Iha 11 Outubru 2021, Tribunál Distrital Baukau liuhusi tribunál movel iha Munisípiu Vikeke prezide Julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu SS hasoru nia feen, iha Munisípiu Vikeke.

Akuzasaun prokuradór

Prokuradór akuza katak iha 03 Abril 2020, iha oras tuku 14:30 lokraik, arguidu tebe dala ida iha lezada nia kanotak parte loos, kaer lezada nia fuuk riba ba rai no tuku dala ida iha hasan parte loos. Antes agresaun ne'e, arguidu ho lezada diskute malu kona-ba

lezada atu han ai-dak arguidu bandu, tanba lezada foin isin rua fulan rua, nune'e mosu agresaun hirak ne'e.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha julgamentu, arguidu konfesa faktu hotu iha akuzasaun, arrepende nia hahalok no promete sei la komete tan aktu hanesan iha futuro no depoisde akontesimentu ne'e arguidu la baku ona lezada.

Alende ne'e lezada mós konfirma ho faktu hotu iha akuzasaun no deklarata katak di'ak malu ona ho arguidu.

Alegasaun Finál

Iha julgamentu arguidu konfesa faktu hotu ne'ebe konstitui ba krime ne'e no lezada mós konfirma akuzasaun sein rezerva, motivasaun ne'e la nesesariu ba arguidu atu halo agresaun hasoru lezada, mezmu sira di'ak malu ona maibé nafatin husu ba tribunál atu kondena arguidu ho pena prizaun tinan ida suspende ba tinan ida.

Enkuantu defeza husu pena kmaan ba arguidu tanba arguidu konfesa faktu hotu iha akuzasaun sein rezerva, di'ak malu ona, arrepende ba nia hahalok, depoisde akontese to'o agora la baku ona lezada.

Desizaun

Depoisde avalia faktu hotu, tribunál prova katak arguidu tebe dala ida iha lezada nia kanotak parte loos, kaer lezada nia fuuk riba ba rai no tuku dala ida iha lezada nia hasan parte loos.

Bazeia ba faktu provadu ne'e no tetu mós sirkunstánsia atenuante sira hanesan arguidu konfesa, arrepende ninia hahalok, primeiravés mai hatan iha tribunál no husu ona deksulpa no di'ak malu ona ho lezada, nune'e tribunál konklui prosesu ne'e no kondena arguidu ho pena prizaun fulan neen suspende ba tinan ida.

6. Krime ofensa ba integridade física simples natureza violénssia doméstika

| | |
|----------------------|--|
| Nú. Prosesu | : 0011/20. VQSIC |
| Kompozisaun Tribunál | : Singulár |
| Juis | : Dra. Maria Modesta de Almeida Viera |
| Prokuradór | : Dr. Julio da Silva Correia |
| Defeza | : Dr. José Maria Caetano Guterres |
| Desizaun | : Pena prizaun fulan 6 suspende ba tinan 1 |

Iha 11 Outubru 2021, Tribunál Distrital Baukau liuhusi tribunál movel iha Muníspiu Vikeke prezide Julgamentu leitura sentensa ba krime ofensa ba integridade física

simples ho natureza violénsia doméstika ne'ebé envolve arguidu MS hasoru nia feen, iha Muníspiu Vikeke.

Akuzasaun prokuradór nian

Prokuradór akuza katak iha 07 Jullu 2020, iha oras tuku 09:00 dadeer, lezada iha dapur laran halo hela sasoro derepente arguidu tuda iskeiru no kona iha lezada nia kotuk laran nune'e lezada mós hirus ko'us sira nia oan atu ba maun sira nia uma mak iha dalan klaran arguidu toman lezada tolok no mosu diskusaun arguidu tuku dala rua iha lezada nia tilun hun parte loos rezulta lezada monu ba rai, arguidu mós rakut lezada nia fuuk no tuku dala rua iha lezada nia kanuruk rezulta lezada monu ba rai no rezulta lezada nia liman sikun kanek.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha prosesu julgamentu, arguidu konfesa faktu hotu iha akuzasaun, arrepende nia hahalok no foin primeiravés mai hatan iha tribunál, di'ak malu ona ho lezada no depoisde akontesimentu ne'e la baku ona lezada.

Alende ne'e lezada mós konfirma faktu hotu iha akuzasaun, no konfirma mós ho arguidu nia deklarasaun katak depoisde akontesimentu ne'e di'ak malu ona ho arguidu.

Alegasaun finál

Prokuradór haktuir katak iha julgamentu arguidu konfesa faktu hotu iha akuzasaun no konfirma mós husi lezada sein rezerva, nune'e konsidera arguidu provadu komete krime hasoru lezada, no husu ba tribunál atu kondena arguidu ho pena prizaun tinan ida suspende ba tinan ida.

Enkuantu defeza husu ba tribunál atu kondena arguidu ho pena ne'ebé adekuaadu ho konsiderasaun sira katak, arguidu konfesa faktu hotu, di'ak malu ona ho lezada, arrepende nia hahalok no depoisde akontesimentu ne'e arguidu la baku ona lezada.

Desizaun

Depoisde avalia faktu hotu, tribunál prova katak arguidu tuda iskeiru no kona iha lezada nia kotuk laran nune'e lezada mós hirus ko'us sira nia oan atu ba maun sira nia uma mak iha dalan klaran arguidu toman lezada tolok no mosu diskusaun arguidu tuku dala rua iha lezada nia tilun hun parte loos rezulta lezada monu ba rai, arguidu mós rakut lezada nia fuuk no tuku dala rua iha lezada nia kanuruk rezulta lezada monu ba rai no rezulta lezada nia liman sikun kanek.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa, arrepende ninia hahalok, primeiravés mai hatan iha tribunál no di'ak malu ona ho lezada, nune'e tribunál konklui prosesu ne'e no kondena arguidu ho pena prizaun fulan neen suspende ba tinan ida.

7. Krime ofensa ba integridade fízika simples ho natureza violénsia doméstika

Nú. Prosesu : 0010/21. VQOSU
Kompozisaun Tribunál : Singulár
Juis : Dra. Maria Modesta de Almeida Viera
Prokuradór : Dr. Julio da Silva Correia
Defeza : Dr. José Maria Caetano Guterres
Desizaun : Pena prizaun fulan 6 suspende ba tinan 1

Iha 11 Outubru 2021, Tribunál Distrital Baukau liuhusi tribunál movel iha Muníspiu Vikeke prezide Julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu NdC hasoru nia feen, iha Muníspiu Vikeke.

Akuzasaun prokuradór nian

Prokuradór akuza katak iha 22 Abril 2021, iha oras tuku 08:00 dadeer, arguidu foti aisanak baku dala ida iha lezada nia kabun, tuku dala rua iha lezada nia tilun-hun parte karuk no tuku dala rua iha kotuk laran. Antes agresau ne'e, arguidu ho lezada diskute malu kona-ba lezada husu osan ba arguidu atu hola sampo, maibé arguidu la fó, nune'e mosu agresau hirak ne'e.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha proseu julgamentu, arguidu konfesa faktu hotu iha akuzasaun, arrepende nia hahalok, foin primeiravés mai hatan iha tribunál, di'ak malu ona ho lezada no depoisde akontesimentu ne'e to'o agora arguidu la baku ona lezada.

Alende ne'e, lezada kontinua konfirma faktu hotu iha akuzasaun no depoisde akontesimentu ne'e di'ak malu ona ho lezada no to'o agora arguidu la baku ona lezada.

Alegasaun finál

Prokuradór haktuir katak arguidu konfesa faktu hotu ne'ebé akuza ba arguidu no konfirma mós husi lezada, nune'e prokuradór konsidera arguidu provadu komete krime hasoru lezada, mezmu sira di'ak malu ona maibé nafatin fó kondensau ba arguidu katak komete krime violénsia doméstika mós hetan kastigu, razaun hirak ne'e husu ba tribunál atu kondena arguidu ho pena prizaun tinan ida suspende ba tinan ida.

Enkuantu defeza haktuir katak iha produsaun prova arguidu konfesa faktu hotu, di'ak malu ona ho lezada, arrepende nia hahalok no depoisde akontesimentu arguidu la baku ona lezada, tanba ne'e husu ba tribunál atu aplika pena ne'ebé mais adekuadu.

Desizaun

Depoisde avalia faktu hotu, tribunál prova katak arguidu arguidu foti ai-sanak baku dala ida iha lezada nia kabun, tuku dala rua iha lezada nia tilun-hun parte karuk no tuku dala rua iha kotuk laran.

Bazeia ba faktu provadu hirak ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok, primeiravés mai hatan iha tribunál no di'ak malu ona ho lezada, nune'e tribunál konklui prosesu ne'e no kondena arguidu ho pena prizaun fulan neen suspende ba tinan ida.

8. Krime ofensa ba integridade fízika simples natureza violénssia doméstika

Nú. Prosesu : 0016/19. VQWCB
Kompozisaun Tribunál : Singulár
Juis : Dra. Maria Modesta de Almeida Viera
Prokuradór : Dr. Julio da Silva Correia
Defeza : Dr. José Maria Caetano Guterres
Desizaun : Pena prizaun tinan 1 suspende ba tinan 1

Iha 11 Outubru 2021, Tribunál Distrital Baukau liuhusi tribunál movel iha Muníspiu Vikeke prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu AF hasoru nia feen, iha Munispiu Vikeke.

Akuzasaun prokuradór

Prokuradór akuza katak iha 24 Agostu 2019, iha oras tuku 01:00 madrugada, arguidu tebe dala rua iha lezada nia kidan parte karuk no tebe dala ida iha lezada nia kidan parte loos, tebe dala ida iha lezada nia kotuk laran kaer lezada nia kakorok riba ba rai lezada hamrik halai arguidu duni tuir lezada hodi tebe tan dala ida iha lezada nia kotuk laran, rezulta lezada monu ba rai. Antes agresau ne'e, arguidu ho lezada diskute malu kona-ba kalan ona arguidu seidauk fila ba uma, nune'e lezada ba buka tuir no haree arguidu ho nia maluk sira tuur iha kioske ne'ebé besik sira nia uma, nune'e sira fila ba uma no arguidu komete aktu sira ne'e hasoru lezada.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha proseu julgamentu, arguidu konfesa faktu hotu iha akuzasaun sein rezerva maibé ho ninia motivaun mak lezada hakilar arguidu iha ema barak nia oin ne'e mak arguidu sente moe no halo agresau hasoru lezada, iha akontesimentu ne'e lezada ba hela iha Uma Mahon to'o agora la fila ba sira nian uma maibé arguidu rona uma mahon lori lezada ba tiha lezada nia inan aman nia uma, arrepende nia hahalok no foin primeiravés mai hatan iha tribunál.

Alende ne'e, lezada konfirma faktu hotu iha akuzasaun no deklara katak di'ak malu ona ho arguidu no depoisde akontesimentu ne'e di'ak malu ona ho arguidu.

Alegasaun final

Prokurador haktuir katak arguidu konfesa faktu hotu ne'ebe ne'be imputa ba nian no lezada mos konfirma akuzasaun sein rezerva, maibe motivu ne'e la razun arguidu atu halo agresaun hasoru lezada ho arguidu nia konduta lezada sente prejudika iha futuru nune'e lezada fila husi uma mahon diside ba hela ho nia inan aman. Arguidu nian aktu ne'e provadu, nune'e husu ba tribunál atu kondena arguidu ba pena prizaun tinan ida suspende ba tinan ida.

Enkuantu defeza haktuir katak arguidu konfesa faktu hotu, di'ak malu ona, arrepende ninia hahalok, durante forma familia iha tempu naruk nia laran foin primeiraves halo agresaun hasoru lezada, ho nune'e husu ba tribunál fó pena ne'ebé justu no adekua ba arguidu.

Desizaun

Depoisde avalia faktu hotu, tribunál prova katak arguidu tebe dala rua iha lezada nia kidan parte karuk no loos tebe dala ida iha kotuk laran kaer lezada nia kakorok riba ba rai lezada hamrik halai arguidu duni tuir tebe tan dala ida iha kotuk laran rezlta lezad monu ba rai.

Bazeia ba faktu provadu ne'e no tetu mos sirkunstansia atenuante sira hanesan arguidu konfesa, arrepende ninia hahalok, primeiraves mai hatan iha tribunál no di'ak malu ona ho lezada, nune'e tribunál konklui prosesu ne'e no kondena arguidu ho pena prizaun tinan ida suspende ba tinan ida.

9. Krime ofensa ba integridade física simples natureza violéncia doméstica

| | |
|----------------------|--|
| Nú. Prosesu | : 0008/21. VQOSU |
| Kompozisaun Tribunál | : Singulár |
| Juis | : Dra. Maria Modesta de Almeida Viera |
| Prokurador | : Dr. Julio da Silva Correia |
| Defeza | : Dr. José Maria Caetano Guterres |
| Desizaun | : Pena prizaun tinan 1 suspende ba tinan 2 |

Iha 11 Outubru 2021, Tribunál Distrital Baukau liuhusi tribunal movel iha Muníspiu Vikeke prezide Julgamentu leitura sentensa ba krime ofensa ba integridade física simples natureza violéncia doméstica ne'ebé envolve arguidu SG hasoru nia feen, iha Muníspiu Vikeke.

Akuzasaun prokurador nian

Prokurador akuza katak iha 25 Fevreiru 2021 iha oras 12:00 miudia lezada haruka arguidu atu ba husu sira nia osan iha buanurak maibe arguidu rezeita lakohi ba ne'e

mak mosu diskusaun arguidu nervozu foti fatuk tuda dala ida kona iha lezada nia ain parte karuk, arguidu tebe dala ida iha kotuk laran rezulta lezada monu ba rai hafoin arguidu tebe dala dala ida kabaas parte karuk.

Iha tinan 2018 arguidu basa dala ida iha lezada nia hasan no iha tinan 2019 arguidu basa dala ida iha lezada nia hasan no uza fatuk tuda dala ida iha lezada nia ain

Prokuradór akuza arguidu komete konkursu krime tolu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha proseu julgamentu arguidu deklara katak iha 25 Fevreiro 2021 sira diskute malu kona ba husu osan arguidu hirus halo duni agresan akontese iha tinan 2018 no 2019 arguidu haluha ona faktu sira no ninia motivasaun. Di'ak malu ona, arrepende ba ninia hahalok primeiravés mai hatan iha tribunál, depoisde akontese lezada ba hato'o keisa to'o agora la baku ona lezada.

Alende ne'e lezada konfirma faktu sira iha akuzasun sein rezerva, akontese dala rua iha tinan 2018 no 2019 ne'e lezada la keixa maibé akontese ikus ne'e lezada ba keisa iha Polisia. Lezada mós konfirma arguidu nia deklarasaun katak depoisde akontese to'o agora arguidu la baku ona lezada.

Alegasaun finál

Prokuradór haktuir katak bazeia ba produsaun prova ne'ebe lezada konfirma akuzasun sein rezerva katak arguidu komete konkursu krime tolu hasoru lezada mezmu sira di'ak malu maibé nafatin tau atensaun ba arguidu nia konduta iha futuru. Nune'e husu ba tribunál atu kondena arguidu ba pena prizaun tinan ida fulan neen suspende ba tinan rua.

Enkuantu defeza haktuir katak bazeia ba produsaun prova katak akontese ikus ne'e arguidu rekuinese maibe akontese dala rua antes ne'e arguidu haluha ona ninia fatu no motivasaun, depoisde akontese ikus sira di'ak malu ona, arrepende nia hahalok no foin primeiravés mai hatan iha tribunál. Razaun hirak ne'e husu ba tribunál atu aplika pena ne'ebé adekua ba arguidu.

Desizaun

Depoisde avalia faktu hotu, tribunál prova katak 25 Fevreiro 2021, iha oras 12:00 meiodia, mosu diskusaun arguidu foti fatuk tuda dala ida kona iha lezada nia ain parte karuk, arguidu tebe dala ida iha kotuk laran rezulta lezada monu tiha hafoin arguidu tebe tabe dala dala ida kabaas parte karuk. Iha tinan 2018 arguidu basa dala ida iha lezada nia hasan no iha tinan 2019 arguidu basa dala ida iha lezada nia hasan no uza fatuk tuda dala ida iha lezada nia ain.

Bazeia ba faktu provadu ne'e arguidu komete konkursu krime tolu haosru lezada no tetu mós sirkunstánsia atenuante sira hanesan arguidu konfesa, arrepende ninia hahalok, primeiravés mai hatan iha tribunál no di'ak malu ona ho lezada, nune'e tribunál konklui prosesu ne'e konden aarguidu ba pena unika tinan ida suspende ba tinan rua.

10. Krime ofensa ba integridade fízika simples natureza violénssia doméstika

Nú. Prosesu : 0031/20. VQVQQ
Kompozisaun Tribunál : Singulár
Juis : Dra. Maria Modesta de Almeida Viera
Prokuradór : Dr. Julio da Silva Correia
Defeza : Dr. José Maria Caetano Guterres
Desizaun : Pena prizaun fulan 6 suspende ba tinan 1

Iha 11 Outubru 2021, Tribunál Distrital Baukau liu husi tribunál movel iha Muníspiu Vikeke prezide Julgamentu leitura sentensa ba krime ofensa ba integridade fízika simples natureza violénsia doméstika ne'ebé envolve arguidu AdCS hasoru nia feen, iha Muníspiu Vikeke.

Akuzasaun prokuradór

Prokuradór akuza katak iha 07 Maiu 2020 iha oras tuku 09:00 dadeer lezada ba vizita nia oan nia rate iha semiteriu, lezada haree lipa no hena mutin sai de'it liur ne'e mak lezada fila ba uma informa ba arguidu no arguidu hatan lezada katak hau kole hela nune'e mosu diskusaun arguidu tebe dala ida iha lezada nia kotuk laran rezulta monu ba rai, arguidu kontinua tuku dala ida iha inus.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha proseu julgamentu arguidu deklarata katak faktu hotu ne'ebe iha akuzasaun ne'e loos hotu maibé momentu ne'e arguidu foin fila husi natar kole hela mak lezada informa asuntu ne'e hanesan soke arguidu nia fuan ne'e mak halo arguidu hirus halo duni agresaun, maibé sira di'ak malu ona, arrepende ba ninia hahalok primeiravés mai hatan iha tribunál, depoisde akontese la baku ona lezada.

Alende ne'e lezada konfirma faktu sira iha akuzasun sein rezerva, konfirma mós arguidu nia deklarasaun katak depoisde akontese sira diak malu ona no la baku ona lezada.

Alegasaun finál

Prokuradór haktuir katak mezmu sira di'ak malu ona no moris hamutuk nafatin, maibé atu prevene arguidu repete filafali ninia hahalok hasoru lezada iha futuru no labele

hatoman-an uza violénsia hasoru lezada, nune'e husu ba tribunál atu aplika pena prizaun fulan neen suspende ba tinan ida.

Enkuantu defeza haktuir katak iha prosesu produsaun prova arguidu konfesa faktu hotu ne'ebe imputa nian sein rezerva, di'ak malu ona, arrepende ba nininia hahalok no foin primeiraves mai hatan iha tribunál. tanba ne'e husu ba tribunál atu aplika pena ne'ebe maiz adekuadu ba arguidu.

Desizaun

Depoisde avalia faktu hotu, tribunál prova katak arguidu tebe dala ida iha lezada nia kotuk laran rezulta monu ba rai, arguidu kontinua tuku dala ida iha inus.

Bazeia ba faktu provadu ne'e no tetu mós sirkunstánsia atenuante sira hanesan arguidu konfesa, arrepende ninia hahalok, primeiravés mai hatan iha tribunál no di'ak malu ona ho lezada, nune'e tribunál konklui prosesu ne'e no kondena arguidu ho pena prizaun fulan neen suspende ba tinan ida.

11. Krime ofensa ba integridade fízika simples natureza violénssia doméstika

| | |
|----------------------|--|
| Nú. Prosesu | : 0009/20. VQWCB |
| Kompozisaun Tribunál | : Singulár |
| Juis | : Dra. Maria Modesta de Almeida Viera |
| Prokuradór | : Dr. Julio da Silva Correia |
| Defeza | : Dr. Grigório Maria Lourdes de Lima |
| Desizaun | : Pena prizaun fulan 1 suspende ba tinan 1 |

Iha 11 Outubru 2021, Tribunál Distrital Baukau liu husi tribunál movel iha Muníspiu Vikeke prezide Julgamentu leitura sentensa ba krime ofensa ba integridade fízika simples natureza violénsia doméstika ne'ebé envolve arguidu JF hasoru nia feen, iha Muníspiu Vikeke.

Akuzasaun prokuradór nian

Prokuradórr akuza katak iha 18 Abril 2021 iha oras tuku 08:30 dadeer arguidu halo monu lezadu nia etu ne'ebe tau iha hadak leten nee' mak lezada hirus mosu diskusaun arguidu foti fatuk tuda lezada la kona maibé kona iha fatuk seluk mak fatuk nakfera kona fali iha lezada niaibun hetan kanek.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha produsaun ba provas arguidu deklarata katak faktu iha akuzasaun ne'e loos hotu maibé momentu ne'e arguidu la'o mak kona lezada nia etu fakar la'os arguidu mak ho intensaun halo fakar lezada nia etu, depoisde akontese liu loron rua di'ak malu fali ona,

arrepende ba ninia hahalok primeiravés mai hatan iha tribunál no agora arguidu la baku ona lezada.

Enkuantu defeza haktuir katak arguidu konfesa faktu hotu, di'ak malu ona, arrepende ninia hahalok, durante forma família foin primeiravés halo agresaun hasoru lezada, ho nune'e husu ba tribunál fó pena ne'ebé justu no adekuaudu ba arguidu.

Alegasaun finál

Prokuradór haktuir katak arguidu provadu komete krime hasoru lezada bazeia ba arguidu nia deklarasaun no lezada nia konfirmasaun ba faktu sira iha akuzasaun. Mezmu sira di'ak malu ona, husu ba tribunál atu fó pena ne'ebé bele prevene arguidu ninia hahalok. Ho konsiderasaun sira ne'e hotu, husu ba tribunál atu aplika pena prizaun tinan ida suspende ba tinan ida.

Entretantu defeza husu ba tribunál atu aplika pena ne'ebé adekuaudu liu ba arguidu ho konsiderasaun sira ba iha arguidu nia konfisaun, primeiravés mai hatan iha tribunál no to'o agora la baku ona lezada.

Desizaun

Depoisde avalia faktu hotu, tribunál prova katak arguidu foti fatuk tuda lezada la kona maibe ne'e kona iha fatuk seluk mak nakfera kona fali iha lezada niaibun kanek.

Bazeia ba faktu provadu ne'e no tetu mós sirkunstánsia atenuante sira hanesan arguidu konfesa, arrepende ninia hahalok, primeiravés mai hatan iha tribunál no di'ak malu ona ho lezada, nune'e tribunál konklui prosesu ne'e no kondena arguidu ho pena prizaun fulan ida suspende ba tinan ida.

12. Krime ofensa ba integridade fíísika simples natureza violénssia doméstika

| | |
|----------------------|---------------------------------------|
| Nú. Prosesu | : 0016/20. VQSIC |
| Kompozisaun Tribunál | : Singulár |
| Juis | : Dra. Maria Modesta de Almeida Viera |
| Prokuradór | : Dr. Julio da Silva Correia |
| Defeza | : Dr. Grigório Maria Lourdes de Lima |
| Desizaun | : Pena multa US\$30.00 |

Iha 11 Outubru 2021, Tribunál Distrital Baukau liu husi tribunál movel iha Munísipiu Vikeke prezide Julgamentu leitura sentensa ba krime ofensa ba integridade fíísika simples natureza violénsia doméstika ne'ebé envolve arguidu PG hasoru nia feen, iha Munísipiu Vikeke.

Akuzasaun prokuradór

Prokuradór akuza katak 29 Setembru 2020 iha oras tukun 09:00 dadeer lezada la'ó ba merkadu la informa ba arguidu ne'e mak mosu diskusaun argudu hirus tuku dala ida iha lezadu nia kotuk laran tebe dala ida iha kidan parte karuk.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'ó tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha proceu julgamentu arguidu konfesa faktu no motivasaun iha akuzasaun sein rezerva, depoisde akontese di'ak malu fali ona, arrepende ba ninia hahalok primeiravés mai hatan iha tribunál.

Alende ne'e lezada deklarata katak tempu ne'e lezada ba merkadu faan obralan fila mai uma mosu diskausaun derepente arguidu halo de'it agresaun hanesan iha akuzasaun, konfirma arguidu nian deklarasaun katak depoisde akontese sira di'ak malu ona no la baku ona lezada.

Alegasaun finál

Prokuradór haktuir katak arguidu provadu komete krime hasoru lezada bazeia ba arguidu nia deklarasaun no lezada nia konfirmasaun ba faktu sira iha akuzasaun. Mezmu sira di'ak malu ona, husu ba tribunál atu fó pena ne'ebé bele prevene arguidu ninia hahalok. Konsiderasaun sira ne'e hotu, husu ba tribunál atu aplika pena prizaun fulan neen suspende ba tinan ida.

Entretantu defeza husu ba tribunál atu aplika pena ne'ebé adekua liu ba arguidu ho konsiderasaun sira ba iha arguidu nia konfisaun, primeiravés mai hatan iha tribunál no to'ó agora la baku ona lezada.

Desizaun

Depoisde avalia faktu hotu, tribunál prova katak arguidu tuku dala ida iha lezadu nia kotuk laran tebe dala ida iha kidan parte karuk.

Bazeia ba faktu provadu ne'e no tetu mós sirkunstánsia atenuante sira hanesan arguidu konfesa, arrepende ninia hahalok, primeiravés mai hatan iha tribunál no di'ak malu ona ho lezada, nune'e tribunál konklui prosesu ne'e kondena arguidu ho pena multa US\$30.00 ne'ebé arguidu sei selu US\$1.00 kada loron durante loron 30. Bainhira arguidu la selu pena multa ne'e, arguidu sei kumpri iha prizaun durante loron 20 nu'udar pena alternativa

13. Krime ofensa ba integridade fízika simples ho natureza violénsia doméstika

Nú. Prosesu : 0052/20 VQVQQ
Kompozisaun Tribunál : Singulár
Juis : Dra. Sribuana da Costa
Prokuradór : Dr. João Marques
Defeza : Germano Guterres Ramos
Desizaun : Pena prizaun fulan 1 suspende tinan 1

Iha 11 Outubru 2021 Tribunál Distritál Baukau liu husi tribunál movel iha munisípiu Vikeke prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu MS hasoru nia feen, iha munisípiu Vikeke.

Akuzasaun Prokuradór

Prokuradór akuza katak iha 23 Outubru 2020, iha oras tuku 16:00 lokraik iha arguidu ho lezada sira nia hela fatin arguidu tuku dala ida iha lezada nia kanuruk, tuku dala ida iha matan-fukun parte karuk, basa dala rua iha hasan parte karuk no tebe dala ida iha ain parte loos tanba arguidu deskonfia lezada ba mane ida naran A tanba iha momentu ne'ebá A tama ba arguidu no lezada sira nia dapur, nune'e mosu diskusaun hodi arguidu halo agresaun hasoru lezada. lezada halo tratamentu iha Pradet.

Prokuradór akuza arguidu kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa no konjuga ho artigu 2, 3(b) no 35(b) no 36 LKVD.

Produsaun ba prova sira

Iha prosesu julgamentu, arguidu konfesa faktu hotu iha akuzasaun no deklara katak iha momentu akontesementu arguidu ho kondisaun lanu, depoisde akontesementu arguidu sai husi sela sira di'ak malu fali ona, arguidu husu ona deskulpa ba lezada no lezada perdua ona arguidu. Arguidu foin primeiravés baku lezada, promete sei la baku tan lezada iha futuro no foin primeiravés mai hatan iha tribunál.

Alénde ne'e, lezada konfirma ba arguidu nia deklarasaun katak depoisde akontesementu arguidu sai husi sela detensaun sira di'ak malu kedas, husu ona deskulpa ba lezada no primeiravés arguidu baku lezada no mós nunca baku sira nia oan.

Alegasaun finál

Prokuradór haktuir katak arguidu konfesa katak iha data akontesementu arguidu ho kondisaun lanu no deskonfia lezada ba mane seluk nune'e mosu diskusaun no arguidu nervozu hodi halo agresaun hasoru lezada no konfirma mós husi lezada nune'e arguidu nia aktu prene duni ba iha elementu subjektivu no elementu objetivu nomós atu prevene

para iha futuru arguidu labele halo tan mak prokuradór husu ba tribunál atu kondena arguidu ho pena prizaun fulan tolu suspende ba tinan ida.

Entretantu defeza ba tribunál atu aplika pena ne'ebé justu no adekuaudu tanba arguidu konfesa totalmente ba faktu, rekoñese nia sala katak tanba lanu mak deskonfia lezada no halo agresaun hasoru lezada, arguidu arrepende ba nia hahalok, promete sei la halo tan agresaun hasoru lezada iha futuru, foin primeiravés baku lezada no mós primeiravés mai hatan iha tribunál.

Desizaun

Depoide avalia faktu hotu, tribunál prova katak arguidu tuku dala ida iha lezada nia kanuruk, tuku dala ida iha matan-fukun parte karuk, basa dala rua iha hasan parte karuk no kontinua tebe tan dala ida iha ain parte loos tanba arguidu ho kondisaun lanu no deskonfia lezada ba mane seluk.

Bazeia ba faktu sira ne'e hotu no tetu mós ba sirkunstánsia tatenuante sira hanesan arguidu konfesa integralmente, primeiravés baku lezada, arguidu arrepende ba nia hahalok, no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun fulan rua no suspende ba tinan ida.

14. Krime ofensa ba integridade fízika simples ho natureza violénsia doméstika

Nú. Prosesu : 0015/21 VQVQQ
Kompozisaun Tribunál : Singulár
Juis : Dra. Sribuana da Costa
Prokuradór : Dr. João Marques
Defeza : Dr. Germano Guterres Ramos
Desizaun : Pena prizaun fulan 1 suspende tinan 1

Iha 11 Outubru 2021 Tribunál Distritál Baukau liu husi tribunál movel iha munisípiu Vikeke prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JX hasoru nia feen, iha Munisípiu Vikeke.

Akuzasaun Prokuradór

Prokuradór akuza katak iha 03 Marsu 2021 iha oras tuku 20:00 kalan iha arguidu ho lezada sira nia hela fatin arguidu nervozu hodi basa maka'as dala ida iha lezada nia kelen parte loos tanba lezada toba-dukur tiha no la fó susu ba nia oan ne'ebé sei bebé nune'e bebé tanis. Lezada ba tratamentu iha sentru saúde

Prokuradór akuza arguidu kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa no konjuga ho artigu 2, 3(b) no 35(b) no 36 LKVD.

Produsaun ba prova sira

Iha prosesu julgamentu, arguidu konfesa ba faktu hotu iha akuzasaun no deklarata katak depoisde akontesementu família no autoridade lokál sira tuur hamutuk no arguidu oho bibi ida hodi rezolve problema ne'e, arguidu husu ona deskulpa ba lezada, arguidu foin primeiravés baku lezada no arguidu arrepende ba nia hahalok.

Alénde ne'e lezada konfirma ba faktu katak iha momentu ne'eba lezada sente nia kelen moras, akontese iha kalan no nia aban dadeer mak lezada ba halo keixa iha Polisia Eskuadra Vikeke no liu loron rua ka tolu mak sira di'ak malu fali, arguidu husu ona deskulpa ba lezada no mós depoisde akontesementu arguidu baku tan lezada dala ida.

Alegasaun finál

Prokuradór haktuir katak arguidu konfesa totalmente ba faktu ne'ebé implika ba nia no konfirma mós husi lezada, nune'e arguidu nia aktu ne'e preense duni elementu objetivu no subjektivu krime ne'e nian, nune'e prokuradór husu ba tribunál atu kondena arguidu ho pena prizaun fulan rua suspende ba tinan ida.

Entretantu defeza husu ba tribunál atu aplika pena ne'ebé justu no adekua ba arguidu tanba arguidu konfesa ba faktu katak baku lezada tanba la fó susu ba sira nia oan no toba-dukur tiha, depoisde akontesementu di'ak malu fali ona no partisipa husi família rua no mós autoridade lokál sira.

Desizaun

Depoide avalia faktu sira hotu, tribunál prova katak arguidu baku dala ida iha lezada nia kelen parte loos tanba lezada toba-dukur no la fó susu ba sira nia oan.

Bazeia ba faktu sira ne'e hotu no tetu mós ba sirkunstánsia tatenuante sira hanesan arguidu konfesa integralmente, primeiravés baku lezada, arrepende ba nia hahalok, no foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun fulan ida suspende ba tinan ida.

15. Krime ofensa ba integridade fízika simples ho natureza violénsia doméstika no ameasa

| | |
|----------------------|--------------------------|
| Nú. Prosesu | : 0004/21 VQWCB |
| Kompozisaun Tribunál | : Singulár |
| Juis | : Dra. Sribuana da Costa |
| Prokuradór | : Dr. João Marques |

Defeza : Dr. Germano Guterres Ramos
Desizaun : Omologa pedidu dezisténsia keixa no Pena prizaun fulan 2
suspende tinan 1

Iha 11 Outubru 2021 Tribunál Distritál Baukau liu husi tribunál movel iha munisípiu Vikeke prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu MdC hasoru nia feen iha munisípiu Vikeke.

Akuzasaun Prokuradór

Prokuradór akuza katak iha 28 Janeiru 2021 iha oras tuku 15:00 lokraik, arguidu foti safenda hodi tuda ba lezada kona iha lezada nia matan parte karuk okos, antes ne'e arguidu hadia hela motor mak agruidu nia kuñada nia oan monu iha arguidu nia oin tanba ne'e lezada husu ba arguidu katak "nu'usa mak labarik monu ne'e? nune'e arguidu foti safenda hodi tuda ba lezada, alénde ne'e arguidu ameasa lezada katak " o hein iha ne'e hau ba foti katana tá mate kedas o" nune'e lezada sente tauk no halai ba halo keixa iha Polisia Eskuadra Uatucarbau. Lezada ba halo tratamentu iah Pradet.

Prokuradór akuza arguidu kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa no konjuga ho artigu 2(a), 3(b) no 35(b) no 36 LKVD no artigu 157 KP ho nia moldura penál to'o tinan 1 ka multa.

Antes tama ba produsaun ba prova sira, bazeia ba artigu 262 KPP kona-ba tentativa konsiliaun, tribunál halo tentativa konsiliaun ba arguidu ho lezada relasiona ho krime ameasa hasoru lezada tanba kazu ne'e klasifika nu'udar krime semi-públiku no nia prosedimentu depende ba keixa.

Iha prosesu konsiliaun ne'e, lezada hakarak deziste nia keixa hasoru arguidu. Bazeia ba konkordansia husi parte rua ne'e, tribunál omologa tiha keixa ne'e. Entretantu ba krime ofensa ba integridade fizika simples ho natureza violénsia doméstika, tribunál kontinua ba prosesu julgamentu.

Produsaun ba Prova sira

Iha prosesu julgamentu arguidu deklara katak la tuda lezada maibé soe safenda mak kona duni lezada rezulta bubu no ba keixa mak polisía lori lezada ba halo tratamentu saúde depoisde akontesementu fila husi polisía di'ak malu kedas, arguidu foin primeiravés halo agresaun hasoru lezada, primeiravés mai hatan iha tribunál no promete sei la komete tan iha futuro.

Alénde ne'e lezada konfirma faktu hotu ih akuzasaun no deklara tan katak depoisde akontesementu lezada ba halo keixa no ba halo tratamentu saúde no fila ba uma lori bee manas hanas no liu loron haat foin di'ak fali, depoisde akontesementu arguidu

husu ona deskulpa ba lezada no lezada perdua ona arguidu nune'e sira di'ak malu ona, arguidu foin primeiravés baku lezada, depoisde akontesementu arguidu la baku tan ona lezada to'o agora.

Alegsaun finál

Prokuradór haktuir katak arguidu konfesa ba faktu ne'ebé mak imputa ba nia no konfirma mós husi lezada katak arguidu lori safenda tuda kona iha matan okos parte karuk hodi rezulta bubu no kanek, nune'e arguidu nia aktu ne'e prenze duni elementu objetivu no subjetivu mak prokuradór husu ba tribunál atu kondena arguidu ho pena prizaun fulan rua suspende ba tinan ida no husu omologasaun ba krime ameasa.

Entretantu defeza husu ba tribunál atu aplika pena ne'ebé justu no adekua tanba arguidu rekoñese katak laos tuda maibé soe safenda mak kona lezada, mezmú soe mós kona lezada sente moras, atu iha futuru arguidu labele soe tan sasan kroat ba lezada no mós ema seluk, arguidu foin primeiravés halo agresaun hasoru lezada, depoisde akontesementu di'ak malu ona, arguidu foin primeiravés mai hatan iha tribunál no arrepende ba nia hahalok.

Desizaun

Depoide avalia faktu sira hotu, tribunál prova katak arguidu uza safensa soe kona lezada nia matan parte karuk okos hodi rezulta bubu no kanek.

Bazeia ba faktu provadu sira no tetu mós ba sirkunstánsia tatenuante sira hanesan arguidu konfesa ba faktu, primeiravés baku lezada, arrepende ba nia hahalok, foin primeiravés mai hatan iha tribunál no promete sei la halo tan iha futuru, nune'e tribunál konklui prosesu ne'e no kondena arguidu ho pena prizaun fulan rua suspende ba tinan ida.

16. Krime ofensa ba integridade fízika simples Nú. Prosesu : 0002/21
VQOSU

Kompozisaun Tribunál : Singulár
Juis : Dra. Sribuana da Costa
Prokuradór : Dr. João Marques
Defeza : Dr. Germano Guterres Ramos
Desizaun : Omologa pedidu dezisténsia keixa

Iha 11 Outubru 2021 Tribunál Distritál Baukau liu husi tribunál movel iha munisípiu Vikeke prezide julgamentu omologa pedidu dezisténsia ba krime ofensa ba integridade fízika simples ne'ebé envolve arguida RT hasoru nia inan rasik, iha munisípiu Vikeke.

Akuzasaun Prokuradór

Prokuradór akuza katak iha 26 Janeiru 2021, iha oras tuku 10:00 arguida kaer tiha lezada nia liman mak riba arguida riba lezada ba iha hadak leten hafoin arguida tur sae iha lezada nia leten mak silu lezada nia liman rua ba kotuk nune'e lezada hakilar mak arguida husi tiha lezada tanba antes ne'e lezada hirus no koalia liafuan la diak ba nia oan hakiak naran Z ne'ebé la haree karau tanba ne'e arguida la satisfas no hirus nune'e mosu diskusaun entre arguida ho lezada, hafoin lezada nervozu hodi lori sana tuda ba arguida maibé la kona arguida tanba ne'e mak arguida halo agresau ba lezada.

Prokuradór akuza arguidu kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa no konjuga ho artigu 2(a), 3(b) no 35(b) no 36 LKVD.

Produsaun ba prova sira

Iha prosesu julgamentu arguida deklarata katak lezada uza sana tuda ba arguida dala rua simu hotu tiha no lezada atu baku arguida mak arguida kaer metin lezada nia liman rua maibé lezada silu an ba mai no lezada tur sae tiha hadak leten mak lori ain tuur fai iha arguida nia hirus matan no arguida nia isin kona iha lezada nia ain ne'ebé kanek antes ona mak lezada hakilar dehan "husik hau, hau nia ain kanek moras" nune'e arguida husik lezada halai sai foti ai-suak hotar arguida nune'e arguida hadau tiha ai-suak hafoin lezada ba halo keixa iha Polisía eskuadra Ossu. Arguida deklarata mós katak sira hela hamutuk maibé laiha dependénsia ekonómia ba malu no depoisde akontesementu sira halo akordu dame no di'ak malu ona nomós lezada trata nia oan hakiak ladun di'ak.

Alénde ne'e lezada konfirma ba faktu katak iha momentu akontesementu lezada hirus mak arguida kaer metin lezada nia liman mak lezada ba halo keixa, depoisde akontesementu sira dame malu fali no halo ona akordu dame nian nomós sira hela hamutuk maibé ida-idak halo to'os no kuda modo depois mak tau hamutuk hodi han.

Bazeia ba arguida no lezada nia deklarasaun katak la iha dependensia ekonomia ba malu nune'e prokuradór rekere ba tribunál atu halo alterasaun ba kualifikasaun jurídiku ba fali ofensa ba integridade fízika simples de'it no defeza mós konkorda ho prokuradór ninia pedidu, nune'e tribunál defere prokuradór ninia pedidu hodi halo alterasaun ba kualifikasaun jurídiku husi krime ofensa ba integridade fízika simples ho natureza violénsia doméstika ba fali iha krime ofensa ba integridade fízika simples.

Baziea ba artigu 262 KPP antes tama ba iha produsaun ba prova tribunál halo tentativa ba konsiliaun ba krime sira ho natureza semi-públiku. Iha prosesu tentativa ba konsiliaun ne'e lezada hakarak deziste ninia keixa hasoru arguida nu'udar nia oan feto no arguida mós konkorda ho dezistensia ida ne'e.

Alegasaun finál

Prokuradór haktuir katak lezada hakarak atu deziste ninia keixa hasoru arguida nu'udar nia oan mak prokuradór husu ba tribunal atu omologa dezisténsia ne'e no absolve arguida husi instánsia.

Enkuantu defeza laiha opozisaun no konkorda ho prokuradór nia alegasaun hodi husu ba tribunál atu omologa pedidu dezisténsia ne'e no absolve arguida husi instánsia no no husu ba tribunál atu fó adverténsia ba lezada hodi bele muda nia atitude hasoru nia oan hakiak.

Desizaun

Bazeia ba lezada ninia dezisténsia ba keixa hasoru arguidu nu'udar lezada nia oan no arguidua mós konkorda ho dezisténsia lezada nian nune'e tribunál omologa pedidu dezistenria refere no absolve arguida husi instánsia.

Alénde ne'e tribunál mós fó adverténsia ba lezada katak fila ba uma karik muda nia hahalok hodi bele haree no trata nia oan hakiak ho diak nomós bele hadomi nia oan hakiak nune'e nia oan hakiak mós bele hadomi lezada nu'udar nia inan.

17. Krime ofensa ba integridade fízika simples ho natureza violénsia doméstika

Nú. Prosesu : 0017/21 VQWTL
Kompozisaun Tribunál : Singulár
Juis : Dra. Sribuana da Costa
Prokuradór : Dr. João Marques
Defeza : Dr. Germano Guterres Ramos
Desizaun : Pena prizaun fulan 3 suspende tinan 1

Iha 11 Outubru 2021 Tribunál Distritál Baukau liu husi tribunál movel iha munisípiu Vikeke prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu AL hasoru nia feen iha munisípiu Vikeke.

Akuzasaun Prokuradór

Prokuradór akuza katak iha 21 Marsu 2021, iha oras tuku 11:00 dadeer, iha arguidu ho lezada nia hela fatin arguidu foti bikan tuda ba iha lezada nia oin maibé lezada sees an tiha nun'e' tuda la kona lezada, hafoin arguidu tuku dala ida iha lezada nia kabun, tuku dala ida iha ulun no kontinua basa dala ida iha lezada nia oin laran, iha momentu ne'ebá lezada ho kondisaun grávida fulan hitu (7) tanba antes ne'e arguidu husu osan ba ledaza atu hola sigaru maibé lezada hatete ba arguidu katak "*hein lai*", nune'e arguidu nervozu hodi halo agresaun hasoru lezada. lezada ba tratamentu iha Pradet

Prokuradór akuza arguidu kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa no konjuga ho artigu 2(a), 3(b) no 35(b) no 36 LKVD.

Produsaun ba prova sira

Iha julgamentu arguidu deklara katak iha momentu akontesementu arguidu la tuku iha lezada nia kabun no ulun maibé arguidu basa dala ida iha lezada nia oin laran, depoisde akontesementu nia aban foin arguidu husu fali deskulpa, sira di'ak malu ona, primeiravés baku lezada no depoisde akontesementu la baku tan ona lezada to'o agora no mós arguidu rekoñese katak nia hahalok ne'e la di'ak.

Alénde ne'e lezada konfirma ba faktu katak iha momentu akontesementu lezada sei han hela sasoro mak arguidu haruka sira nia oan ba husu osan US\$ 0,25 cent atu sosa sigaru maibé lezada han sasoro seidak hotu nune'e lezada dehan "*hein lai*" nune'e arguidu tuda bikan ba lezada maibé la kona depois arguidu basa dala ida iha lezada nia kabun no basa dala ida iha lezada nia oin maibé la tuku iha kabun no ulun. Lezada mós deklara katak depoisde akontesementu lezada grávida fulan hitu, depoisde akontesementu liu laron ida mak lezada nia moras rekopera fali no liu laron tolu mak di'ak malu fali ho arguidu.

Alegasaun finál

Prokuradór haktuir katak arguidu konfesa parsial ba faktu katak iha momentu akontesementu arguidu husu osan atu sosa sigaru lezada hatan no demora kleur oituan mak arguidu nervozu hodi basa iha oin laran, arguidu nega la tuku iha kabun no ulun, maibé lezada mai konfirma ba faktu katak iha momentu ne'ebá arguidu laos tuku iha kabun maibé basa iha kabun no basa iha oin, nune'e prokuradór tau kredibilidade ba iha lezada nia deklarasaun no entende katak arguidu nia aktu prenze duni ba iha elementu subjektivu no objetivu nomós atu evita iha futuru labele akontese tanba ba lezada no ema seluk mak prokuradór husu ba tribunál atu aplika pena prizaun fulan tolu suspende ba tinan ida.

Entretantu defeza husu ba tribunál atu aplika pena ne'ebé justu no adekuaudu tanba arguidu arguidu foin primeiravés baku lezada, depoisde akontesementu arguidu husu ona deskulpa no sira di'ak malu ona, arguidu arrepende ninia hahalok, arguidu hanesan professor nia mak úniku sustenta ba ninia feen no oan sira.

Desizaun

Depoide avalia faktu sira hotu, tribunál prova katak iha momentu akontesementu arguidu basa dala ida iha lezada nia kabun no basa dala ida iha lezada nia oin laran rezulta lezada sente moras.

Bazeia ba faktu sira ne'e hotu no tetu mós ba sirkunstánsia tatenuante sira hanesan arguidu primeiravés baku lezada, arrepende ba nia hahalok, foin primeiravés mai hatan iha tribunál no promete sei la halo tan iha futuro, nune'e tribunál konklui prosesu ne'e no kondena arguidu ho pena prizaun fulan tolu suspende ba tinan ida.

18. Krime ofensa ba integridade fízika simples ho natureza violénsia doméstika

Nú. Prosesu : 0004/21 VQWTL
Kompozisaun Tribunál : Singulár
Juis : Dra. Sribuana da Costa
Prokuradór : Dr. João Marques
Defeza : Dr. Germano Guterres Ramos
Desizaun : Pena prizaun fulan 3 suspende tinan 1

Iha 11 Outubru 2021 Tribunál Distritál Baukau liu husi tribunál movel iha munisípiu Vikeke prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu FG hasoru nia feen iha munisípiu Vikeke.

Akuzasaun Prokuradór

Prokuradór akuza katak iha 13 Janeiru 2021 iha oras tuku 10:00 dadeer, iha arguidu ho lezada sira nia hela fatin tuku dala ida iha lezada niaibun, tuku dala tolu iha lezada nia hirus-matan, tuku dala ida iha lezada nia liman (braço) parte karuk no kontinua tuku tan dala ida iha kotuk laran tanba iha momentu ne'ebá lezada haruka arguidu atu tula lezada ho motor atu ba vizita lezada nia inan maibé arguidu lakohi nune'e lezada hirus hodi fatuk tuda arguidu nia motor nia tanke mak arguidu nervozu hodi halo agresaun hasoru lezada. lezada ba tratamentu iha Pradet.

Prokuradór akuza arguidu kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa no konjuga ho artigu 2(a), 3(b) no 35(b) no 36 LKVD.

Produsaun ba prova sira

Iha julgamentu arguidu konfesa intagralmente ba faktu no deklara katak iha momentu ne'ebá arguidu lakohi tula lezada ba vizita nia inan tanba lezada nia inan hela iha foho, iha momentu ne'ebá udan tau no rai tahu maibé lezada tuda fali motor mak halo arguidu nervozu hodi baku lezada hodi rezulta bubu no kanek mak família lori lezada ba

halo tratamentu saúde, arguidu mós deklara katak foin primeiravés baku lezada, depoisde akontesementu arguidu sai husi sela detensaun husu ona deskulpa ba lezada no sira di'ak malu ona, arrepende ninia hahalok no promete sei la halo tan agresaun iha futuru.

Alénde ne'e lezada konfirma ba faktu sira iha akuzasaun no deklara katak iha momentu akontesementu arguidu tuku iha lezada niaibun rezulta raan sai, tuku hirus-matan no liman lezada sente moras no bubu no mós ba halo tratamentu iha sentru saúde hodi simu ai moruk, moras durante loron haat foin rekopera fali, arguidu foin primeiravés baku lezada, liu semana ida mak foin di'ak malu fali, arguidu husu ona deskulpa ba lezada no depoisde akontesementu arguidu la baku tan ona lezada to'o agora.

Alegasaun finál

Prokuradór haktuir katak arguidu konfesa totalmente ba faktu ne'ebé imputa ba nia no konfirma mós husi lezada katak iha momentu akontesementu lezada haruka arguidu atu tula lezada ba vizita lezada nia inan maibé arguidu rezeita mak lezada tuda arguidu nia motor nia tanke nune'e arguidu halo agresaun hasoru lezada, arguidu nia aktu ne'e hatuhu katak arguidu hadomi liu nia moror duke lezada no mós atu prevene arguidu lalika komete tan iha futuru mak prokuradór husu ba tribunál atu kondena arguidu ho pena prizaun fulan tolu suspende ba tinan ida.

Entretantu defeza husu pena ne'ebé mak justu no adekuaudu tanba arguidu konfesa ba faktu ne'ebé mak imputa ba nia tanba arguidu ho lezada la konsege konvense malu no mosu dezentendementu hodi lezada tuda motor hodi arguidu halo agresaun hasoru lezada ne'ebé mak tuir loloos arguidu atu proteze maibé arguidu halo fali agresaun no atu iha futuru arguidu labele halo tan agresaun ba lezada no mós ema seluk no tanba arguidu mak ema únika ne'ebé sustenta ba ninia família.

Desizaun

Depoide avalia faktu sira hotu, tribunál prova katak arguidu tuku dala ida iha lezada niaibun rezulta raan sai, tuku dala tolu iha lezada nia hirus-matan, tuku dala ida iha lezada nia liman parte karuk no tuku tan dala ida iha kotuk laran.

Bazeia ba faktu sira ne'e hotu no tetu mós ba sirkunstánsia tatenuante sira hanesan arguidu konfesa ba faktu, primeiravés baku lezada, arrepende ba nia hahalok, foin primeiravés mai hatan iha tribunál no promete sei la halo tan iha futuru, nune'e tribunál konklui prosesu ne'e no kondena arguidu ho pena prizaun fulan tolu no suspende ba tinan ida.

19. Krime arma brankas

Nú. Prosesu : 0010/20. VQSIC

Kompozisaun Tribunál : Koletivu

Juis : Dra. Maria Modesta de Almeida Viera no Dr. José António d. Escurial, Dra. Sribuana da Costa no,
Prokuradór : Dr. João Marques
Defeza : Dr. José Maria Caetano Guterres
Desizaun : Pena prizaun tinan 3 suspende ba tinan 3

Iha 13 Outubru 2021, Tribunál Distrital Baukau liu husi tribunál movel iha Munisípiu Vikeke prezide Julgamentu leitura akordaun ba krime arma brankas ne'ebé envolve arguidu Leopoldo da Costa hasoru Estadu RDTL, iha suku Karaubalu Postu Administrativu Vikeke Munisípiu Vikeke.

Akuzasaun Prokuradór

Prokuradór akuza katak iha 10 Abril 2020 iha oras tuku 18:45 mosu diskusaun arguidu hirus tolok lezada het malu ho labarik sira no katuas sira, arguidu utiliza katana taa kotu tiha fiu eletrisidade nian nune'e lezada tauk halai no dehan lezada fila sei ta mate lezada.

Prokuradór akuza arguidu kontra Artigu 20 (1), artigu 2 (2 alinea f) Lei Arma Brankas ho nia moldura penál tinan 3 to'o tinan 6.

Produsaun ba prova sira

Iha prosesu julgamentu, arguidu deklara katak arguidu fila husi to'os amla'ha haree ba mane barak iha uma barollu ne'e mak arguidu hirus uza katana ne'ebe nian kaer ne'e taa kotu tiha fiu eletrisidade nia. Kona ba kazu ameasa sira di'ak malu ona perante autoridade komutariu, arrepende ba ninia hahalok, foin primeiravés mai hatan iha tribunál.

Tanba arguidu konfesa faktus integralmente nune'e Prokuradór husu persinde testamuña Izabel Fernades nu'udar arguidu nia feen nune'e tribunal hasai nia despaisu presinde testamuña refere.

Alegasaun finál

Prokuradór haktuir katak bazea ba produsaun prova hanesan arguidu konfesa faktu kona ba nia uza katana taa fiu eletridade ne'ebe liga iha sira nia uma laran katana ne'e nia funsaun uza ba atividade agrikula la'os utiliza ba kulker tipu krime. Prokuradór intende katak akuzasaun ne'e provadu sein rezerva, nune'e husu ba tribunál atu kondena arguidu ba pena minimu husi moldura penal no suspende ba periodu igual

Entretantu defeza haktuir tau konsiderasaun ba arguidu ninia konviksaun iha audensia julgamentu hanesan arguidu konfesa faktu hotu, arrepende ba ninia hahalok, Tanba ne'e, husu ba tribunál fo pena ne'ebé maiz adekuadu ba arguidu.

Desizaun

Depoisde avalia faktu hotu, tribunál prova katak arguidu utiliza katana taa kotu tiha fiu eletrisdade nian.

Bazeia ba faktu provadu ne'e no tetu mós ho sirkunstánsia atenuante sira hanesan arguidu konfesa, arrepende ninia hahalok, primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan tolu suspende ba tinan tolu.

20. Krime ofensa ba integridade física simples natureza violéncia doméstica

Nú. Prosesu : 0018/21. VQVQQ
Kompozisaun Tribunál : Singulár
Juis : Dra. Maria Modesta de Almeida Viera
Prokuradór : Dr. João marques
Defeza : Dr. José Maria Caetano Guterres
Desizaun : Pena prizaun fulan 2 suspende ba tinan 1

Iha 15 Outubru 2021, Tribunál Distrital Baukau liu husi tribunál movel iha Munisípiu Vikeke prezide Julgamentu leitura sentensa ba krime ofensa ba integridade física simples natureza violéncia doméstica ne'ebé envolve arguidu AdS hasoru nia feen, iha Munisípiu Vikeke.

Akuzasaun prokuradór nian

Prokuradór akuza katak iha 24 Marsu 2021 iha oras tuku 16:00 loraik lezada fo hatene ba arguidu ita nia oan fetu atu partus ona, antes lezada la fó hatene kona ba sira nia oan isin-rua ne'e mak arguidu hirus basa dala tolu iha lezada nia ulun.

Prokuradór akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha proseu julgamentu arguidu deklara katak sira hamutuk iha uma ida sira nia oan fetu isin-rua arguidu la hatene derepente lezada mai dehan atu partus ne'e mak arguidu nervozu basa dala tolu iha lezada nia ulun, durante moris hamutuk arguidu foin primeiravés halo agresaun hasoru lezada, depoisde akontese di'ak malu fali ona, arrepende ba ninia hahalok akontese to'o agora arguidu la baku ona lezada.

Alende ne'e lezada deklarata katak sira nia oan feto isin-rua lezada mos la hatene tanba durante ne'e lezada husu sira nia oan feto ne'e maibe sira nia oan dehan lae, ikus mai derepente partus foin lezada mos hakfodak, ne'e mak informa ba arguidu derepente arguidu basa dala tolu iha lezada nia ulun no konfirma arguidu nia deklarasaun katak sira di'ak malu, akontese to'o agora arguidu la baku ona lezada.

Alegasaun final

Iha julgamentu arguidu konfesa faktu hotu ne'ebe ne'be imputa ba nian no lezada mos konfirma akuzasaun sein rezerva, tanba ne'e provadu katak arguidu komete krime ofensa simples hasoru lezada ho natureza violensia domestika atu prevene arguidu nia hahalok iha futuru, husu ba tribunál atu kondena arguidu ba pena prizaun fulan rua suspende ba tinan ida.

Enkuantu defeza haktuir katak iha prosesu produsaun prova arguidu konfesa faktu hotu ne'ebe imputa nian, diak malu ona ho lezada arrepende ba nininia hahalok no foin primeiravés mai hatan iha tribunál, nune'e husu ba tribunal atu aplika pena ne'ebé maiz adekua ba arguidu.

Desizaun

Depoisde avalia faktu hotu, tribunál prova katak arguidu basa dala tolu iha lezada nia ulun.

Bazeia ba faktu provadu ne'e no tetu mos sirkunstánsia atenuante sira hanesan arguidu konfesa, arrepende ninia hahalok, primeiravés mai hatan iha tribunál no di'ak malu ona ho lezada, nune'e tribunál konklui prosesu ne'e kondena arguidu ho pena prizaun fulan rua suspende ba tinan ida.

21. Krime ofensa ba integridade física simples ho natureza violensia domestika

Nú. Prosesu : 0030/21. VQVQQ
Kompozisaun Tribunál : Singulár
Juis : Dr. José António d. Escurial
Prokuradór : Dr. Julio da Silva Correia
Defeza : Dr. Germano Guterres Ramos
Desizaun : Pena prizaun fulna 3 suspende ba tinan 3

Iha 15 Outubru 2021, Tribunál Distrital Baukau liu husi tribunal movel iha Munisípiu Vikeke prezide Julgamentu leitura sentensa ba krime ofensa ba integridade física simples ho natureza violensia domestika ne'ebé envolve arguidu AS hasoru nia feen, iha Munisípiu Vikeke.

Akuzasaun Prokuradór

Prokuradór akuza katak iha 23 Maiu 2021 iha oras tuku 12:00 miudia tuku mosu diskusaun kona ba nesidade uma laran arguidu nervozu tuku dala ida iha lezada nia kakorok tuku dala ida iha ibun no tebe dala ida iha liman kabun parte karuk.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha prosesu julgamentu, arguidu rekuinese katak faktu sira iha akuzasaun ne'e loos hotu, depoisde akontese di'ak malu ona, foin primeiravés mai hatan iha tribunál no promete sei la komete tan krime seluk hasoru lezada ka membru família sira iha futuru. Arguidu nu'udar agrikultór rezultadu hodi sustenta de'it ba familia.

Alende ne'e, lezada kontinua konfirma faktu sira iha akuzasaun no deklara katak depoisde sira diak malu fali no to'o agora arguidu la baku ona lezada.

Alegasaun finál

Prokuradór haktuir katak arguidu konfesa faktu hotu iha akuzasaun ne'ebé nia komete no konfirma mós husi lezada, tanba ne'e husu ba tribunál atu kondena arguidu ba pena prizaun tinan ida suspende ba tinan ida.

Entretantu, defeza husu ba tribunál atu aplika pena ne'ebé maiz adekuadu ba arguidu tanba arguidu konfesa, arrepende ninia hahalok, di'ak malu ona ho lezada no foin primeiravés mai hatan iha tribunál.

Desizaun

Depoisde avalia faktu hotu, tribunál prova katak arguida tuku dala ida iha lezada nia kakorok tuku dala ida iha ibun no tebe dala ida iha liman kabun parte karuk.

Bazeia ba faktu provadu sira ne'e no tetu mós sirkunstánsia atenuante sira hanesan arguidu konfesa faktu sira, arrepende ona ninia hahalok, primeiravés mai hatan iha tribunál no di'ak malu ona ho lezada, nune'e tribunál konklui prosesu ne'e kondena arguidu ho pena prizaun fulan tolu suspende ba tinan ida.

22. Krime ofensa ba integridade fízika grave

| | |
|----------------------|---|
| Nú. Prosesu | : 0060/18. BCSIC |
| Kompozisaun Tribunál | : Koletivu |
| Juis | : Dr. José António d. Escurial no Dra. Maria Modesta de Almeida Viera, Dra. Sribuana da Costa |
| Prokuradór | : Dr. João Marques |
| Defeza | : Dr. José Maria Caetano Guterres |
| Desizaun | : Pena prizaun tinan 2 suspende ba tinan 3 |

Iha 19 Outubru 2021, Tribunál Distritál Baukau prezide julgamentu leitura akordaun ba krime ofensa ba integridade fízika grave ne'ebé envolve arguidu Americo Thomas Guamao hasoru lezadau Adolfo Antonio Fraga, iha suku Tirilolo postu admnistrativu Baukau vila Munisípiu Baukau.

Akuzasaun Prokuradór

Prokuradór akuza katak iha 07 Outubru 2018 iha oras tuku 00:30 kalan iha areia edukasaun Baukau nia oin lezadu ho nia oan Juviano Fraga ho motor bebek supra X mai husi Alala Wailili atu ba nia kios derepende haree arguidu kaer kanuru suru rai henek nia iha liman halai direitamente taa deit ba lezadu nia ain tuur parte loos, baku iha lezadu nia ulun fatuk, lezada tenta satan netik ho liman parte karuk, arguidu konsege baku tan dala ida iha lezadu nia kabun nune'e lezadu esforsu hadau tiha kanuru hafoin arguidu husik hela kanuru no halai tiha. Lezadu ba tratamentu iha HoREX no kontinua evakua ba HNGV Dili durante semana ida to'o agora lezadu nafatin ba kontrola kada fulan iha HNGV Dili. Lezadu nia ain tau besi iha laran to'o agora sidauk hasai no liman mos sidauk kaer sasan todan.

Iha fulan Dezembru arguidu ho lezadu hasoru malu iha iha Ministeriu Publiku arguidu promete hakarak ajuda lezadu ho osan US\$ 1000.00 nune'e Iha 17 Dezembru 2018 lezadu ho arguidu hasoru malu iha Miisteriu Publiku arguidu liu husi ofisial justisa ajuda ona lezadu ho osan US\$ 700.00 no arguidu rasik promete iha 28 Janeiru 2019 fo tan US\$300.00 ba lezadu.

Prokuradór akuza arguidu kontra artigu 146 alineia b no c KP kona-ba ofensa ba integridade fizika grave ho moldura penál tinan 2 to'o tinan 8.

Produsaun ba prova sira

Iha prosesu julgamentu, arguidu konfesa faktus hotu ba tribunál no deklarata tan katak momentu ho kondisaun lanu, arguidu iha Ministeriu Publiku diside ajuda lezadu ho osan US\$1000.00 atu kura nia kanek, iha 17 Dezembru arguidu fo uluk ona US\$700.00. iha 28 Janeiru 2019 arguidu ba Ministeriu Publiku atu fo tan US\$ 300.00 mak ofisial justisa informa katak prosesu remete ona ba tribunál ba mak fo deit iha tribunál. Arguidu deklarata agora dadauk iha osan US\$300.00 atu ajuda tan ba lezadu perante tribunál. Di'ak malu ona ho lezadu ba futuru sei la halo tan kualker krime no foin primeiravés mai hatan iha tribunál no nu'udar agrikultór hodi sustenta de'it familia.

Alende ne'e, lezada deklarata katak iha 07 Outubru 2018 iha oras tuku 00:30 lezadu ho motor tula ho nia oan, iha edukasaun Baukau nia oin arguidu para lezadu nia motor husu ba ne'ebe? lezadu hatan hau husi Wailili atu ba kioske derepente arguidu uza kanuru suru rai henek ne'ebe kaer emidiata taa iha lezadu nia ain tuur parte loos, baku iha lezadu nia ulun fatuk, lezadu tenta satan netik taa kona tan liman parte loos, arguidu konsege baku tan dala ida iha lezadu nia kabun nune'e lezadu esforsu hadau tiha kanuru hafoin arguidu husik hela kanuru no halai tiha. Hasoru malu iha Ministeriu Publiku arguidu husu deskulpa ba lezadu no nia rasik dehan ajuda osan US\$1000.00. iha 17 Dezembru 2018 fo uluk US\$700.00 no iha 28 Janeiru 2019 atu fo tan US\$300.00 mak sidauk. Lezadu agredece importante arguidu rekeuinese sala ne'ebe nia halo ba lezadu.

Alegasaun finál

Prokuradór haktuir katak arguida konfesa faktu hotu iha akuzasaun no lezadu mós konfirma faktu sira iha akuzasaun, konsekuensia husi arguidu nia agresaun ne'e afeita

tebes ba lezadu nia atividade hodi sustenta ba nia familia. Bazeia konsiderasaun sira ne'e, husu ba tribunál atu kondena ho pena prizaun tinan tolu suspende ba tinan tolu no kompleta nafatin indeminzasaun ne'ebe sira konkorda antes ona.

Iha parte seluk, defeza haktuir katak ita haree arguidu nia kondisaun kanek grave maibé ba futuro sei rekopera fila fali arguidu ho ninia arrendementu di'ak malu ho lezadu no ajuda ona lezadu ho osan US\$1000.00. Alende ne'e, arguidu foin primeiravés mai hatan iha tribunál. Tanba ne'e, husu ba tribunál atu aplika pena ne'ebé maiz adekuadu ba arguidu.

Desizaun

Depoisde avalia faktu hotu, tribunál prova katak arguidu kaer kanuru suru rai henek nia iha liman halai direktamente taa deit ba lezadu nia ain tuur parte loos, baku iha lezadu nia ulun fatuk, lezada tenta satan netik ho liman parte karuk, arguidu konsege baku tan dala ida iha lezadu nia kabun. Provadu mós arguidu indemiza ona lezadu ho osan US\$1000.00.

Bazeia ba faktu provadu sira no tetu mós sirkunstánsia atenuante sira hanesan arguidu arrepende ona ninia hahalok no promete sei la repete ninia hahalok ne'e iha kualker ema, nune'e tribunál konklui prosesu ne'e halo atenuante extraordinariu hodi kondena kondena arguidu ho pena prizaun tinan rua suspende ba tinan tolu no omologa indemizasaun ne'ebe arguidu fo ona osan ho montante US\$1000.00.

23. Krime omisídiu negligente no kondusaun sein karta

| | |
|----------------------|--|
| Nú.Prosesu | : 0007/20. VQSTR |
| Kompozisaun Tribunál | : Singulár |
| Juis | : Dra. Sribuana da Costa |
| Prokuradór | : Dr. João Marques |
| Defeza | : Dr. Germano Guterres Ramos |
| Desizaun | : Pena unika tinan 2 suspende ba tinan 2 |

Iha 25 Outubru 2021, Tribunál Distrital Baukau prezide Julgamentu leitura sentensa ba krime omisídiu negligente no kondusaun sein karta ne'ebé envolve arguidu Julio da Costa Punao hasoru lezadu Henrique Lino, iha Suku Beloi, Postu Administrativu Vikeke, Munisípiu Vikeke.

Akuzasaun prokuradór nian

Prokuradór akuza katak iha 05 Agostu 2020, iha oras tuku 10:00 dadeer, arguidu kondus motor ho marka supra X no Nu. Matrikula J.9131 TIs husi direasaun Beloi atu ba Lugatoi tanba arguidu halai ho velocidade maksimu no halai iha lezadu nia dalan nune'e soke lezadu ho nia motor lezadu monu tun ba iha valeta laran fai nia ulun ,

kakorok no kanuruk hafoin Polisia to'o transporta lezadu ba ospital Vikeke. Arguidu kondus motor mos la iha karta kondusaun.

Prokurador akuza arguidu kontra artigu 140 (1) KP kona-ba omisídiu negligente ho moldura penál sei hetan pena prizaun to'o tinan 5 no artigu 207 KP kona- ba kondusaun sein karta ho moldura penál to'o tinan 2 ka multa.

Produsaun ba prova sira

Iha proseu julgamentu arguidu deklara katak momentu ne'e arguidu halai nei-neik ho velocidade 30 no halai tuir nia dalan derepente lezadu mai halai iha arguidu nia dalan no soke ho arguidu nia motor mak lezadu monu tama ba valeta laran. Lezadu mate arguidu ajuda osan US\$3000.00 ba familia matebian no agora arguidu ho familia lezadu hare malu di'ak tanba dame malu ona, arrepende ba nia hahalok.

Enkuantu testemuña Augusto do Carmo nu'udar lezadu nia aman deklara katak lezadu mate iha Ospital Regional Baukau, argudu mós ajuda ona US\$3000.00 ba lezadu hodi halao serinia funeral.

Alegasaun finál

Prokuradór haktuir katak akuzasaun prokuradór provadu hotu hanesan arguidu komete krime omisídiu negligenta no kondusaun sein karta. nune'e husu ba tribunál atu kondena arguidu ba pena prizaun tinan rua suspende ba tinan rua no husu valida akordu hanesan indemnizasaun.

Enkuantu defeza haktuir katak momentu ne'e arguidu kondus motor iha falta kuidaddu ne'e rezulta lezadu, depoisde akontese arguidu ajuda ona osan US\$3000.00 ba lezadu nia serimonia funebre no diak malu ona ho lezada nia familia, arrepende ba nininia hahalok no foin primeiravés mai hatan iha tribunal. Razaun hirak ne'e husu ba tribunál atu aplika pena ne'ebe maiz adekuadu ba arguidu.

Desizaun

Depoide avalia faktu sira hotu, tribunál prova katak arguidu kondus motor ho marka supra X no Nu. Matrikula J.9131 TIs husi direasaun Beloi atu ba Lugatoi tanba arguidu halai ho velocidade maksimu no halai iha lezadu nia dalan nune'e soke lezadu ho nia motor lezadu monu tun ba iha valeta laran fai nia ulun , kakorok no kanuruk hafoin Polisia to'o transporta lezadu ba ospital Vikeke. Arguidu kondus motor mós la iha karta kondusaun.

Bazeia ba faktu sira ne'e hotu no tetu mós ba sirkunstánsia tatenuante sira hanesan arguidu, arguidu arrepende ba nia hahalok, no foin primeiravés mai hatan iha tribunál no promete sei la halo tan iha futuro, nune'e tribunál konklui prosesu ne'e no kondena arguidu ba pena unika tinan rua suspende ba tinan rua no valida mós akordu husi arguidu no família lezadu.

24. Krime maus-tratus ba menór no ofensa ba integridade física simples

Nú. Prosesu : 0064/20. PDBAU
Kompozisaun Tribunál : Koletivu
Juis : Dra. Sribuana da Costa no Dra. Maria Modesta de Almeida
Viera, Dr. José António d. Escurial
Prokuradór : Dr. João Marques
Defeza : Dr. Grigório Maria Lourdes de Lima
Desizaun : Omologa pedidu dezisténsia keixa no Kondena kada
arguidu pena prizaun tinan 2 suspende ba tinan 2.

Iha 25 Outubru 2021, Tribunál Distrital Baukau prezide Julgamentu leitura akordaun ba krime maus-tratus ba menór no ofensa ba integridade fízika simples ne'ebé envolve arguidu AdS, PdS, AdSG no AG hasoru nia oan hakiak EdSG (*hela iha uma mahon Madre sira iha Suai*), iha Munisípiu Vikeke.

Akuzasaun Prokuradór

Prokuradór akuza katak lezada sei fulan rua arguidu AdS no PdS mak hakiak, iha loron no fulan haluha maibé iha tinan 2019 iha uma arguidu AdS utiliza ai baku iha lezada nia ain no kotu laran.

Loron fulan haluha maibé iha tinan 2019 arguida PdS basa dala ida iha lezada nia hasan parte loos no karuk tanba de'it lezada haksoit borasa.

Loron no fulan haluha maibé iha tinan 2020 AdS utiliza ai baku dala barak iha lezada nia kotuk laran nune'e lezada halai sai husi uma ba hela iha Sr. CSS nia uma to'o iha 07 Junu 2020 iha oras tuku 19:30 arguidu AdSG ba Sr. CSS nia uma hodi lori fila lezada ba sira nia uma maibé lezada rejeita nune'e arguidu obriga no rasta lezada ba iha sira nia uma mak ain tuur parte loos ros kona rai hetan kanek. Kuandu to'o uma arguidu sira hanesan arguidu AdSG no arguida AG kaer lezada mak arguidu AdS uza tizora tesi lezada nia fuuk no arguida PdS mós kontinua tesi lezada nia fuuk to'o badak. Depoisde tesi fuuk hotu arguidu AdSG tebe dala ida iha lezada nia hirus matan.

Prokuradór akuza arguidu sira AdSG no AG kontra artigu 145 KP kona-ba ofensa ba integridade fízika simples ho moldura penál tinan to'o 3 ka multa no arguidu AdS no PdS kontra artigu 155 Nu.1 (a) no Nu.3 KP kona-ba maus-tratus ba menór ho moldura penál tinan 2 to'o tinan 6 konjuga ho artigu 2, 3, 35(b) no 36 LKVD.

Antes tama ba produsaun ba prova sira, bazeia ba artigu 262 KPP kona-ba tentativa konsiliaun, tribunál halo tentativa konsiliaun ba arguidu AdSG no AG ho lezada

relasiona ho krime ofensa ba integridade física simples hasoru lezada tanba kazu ne'e klasifika nu'udar krime semi-públiku no nia prosedimentu depende ba keixa.

Iha prosesu konsiliaun ne'e, lezada hakarak deziste nia keixa hasoru arguidu AdSG no AG. Bazeia ba konkordansia husi parte rua ne'e, tribunál omologa tiha keixa ne'e. Entretantu ba krime maus-tratus ba menor, tribunál kontinua ba prosesu julgamentu.

Produsaun ba prova sira

Iha prosesu julgamentu, arguidu AdS deklara katak faktu kona ba iha tinan 2019 no tinan 2020 ne'e arguidu la iha kuinesementu maibe iha tinan 2020 nia laran lezada lao hela deit la iha uma. Arguidu ho nia feen hanesan inan hakiak bainhira lezada sei fulan rua. Tanba lezada nu'udar mak lao la tama uma ba hela fali iha ema nia uma ne'e mak arguidu ba lori fila mai uma tesi tiha nia fuuk para lezada moe labele lao tan, agora iha tempu modernu arguidu mos rona informasaun liu husi televisaun no radio katak ema barak mak agora soe bebe ho situaun ida ne'e mak arguidu ho nia feen prekupa mos ba lezada nu'udar feto. Lezada nu'udar arguida nia bin nia oan arguidu hanoin loos lezada, arrepende ba nia hahalok baihira lezada fila mai uma prontu simu ho liman rua, primeiravés mai hatan iha tribunál.

Arguida PdS deklara katak iha tinan 2019 arguida haruka lezada ba eskola maibe lezada kontinua halimar borasa ne'e mak arguida hirus basa dala rua iha lezada nia hasan. Loron fulan tinan la lembra lezada ba ho nia kolega sira atu ba ke'e feuk mak arguidu AdS dehan feuk sei iha tanba lezada hakarak ba ne'e mak arguidu uza fiu eletrisidade nia baku dala rua iha ain. Tanba lezada lao hela deit ba toba arbiru de'it iha ema nia uma. Iha 07 Junu 2020 iha oras tuku 19:00 kalan arguidu AdS tesi tiha lezada nia fuuk arguida PdS mós hamaus lezada katak o nia fuuk ne'e sei naruk fila fali arguida mak haris mos lezada no troka lezada. iha 08 Junu 2020 iha oras tuku 05:00 dadeersan lezada halai lakon husi uma no foin haree, lezada nu'udar arguida nia bin nia oan arguida hanoin loos lezada, arrepende ba nia hahalok baihira lezada fila mai uma prontu simu ho liman rua, primeiravés mai hatan iha tribunál.

Antes rona lezada Prokuradór husu tribunál haruka arguidu nain rua sai ba liur tribunál mós simu pedidiu prokuradór no haruka arguidu nain rua ba liur.

Iha parte seluk, lezada deklara katak iha tinan 2019 arguidu AdS la baku lezada maibe tinan 2020 arguidu AdS uza fiu eletrisidade baku dala rua iha lezada nia ain ne'e mak lezada hali ba vizinu nia uma. iha 07 Junu 2020 arguidu AdS uza tizora tesi lezada nia fuuk. Lezada agora hela ho madre sira hela iha uma Madre sira iha Suai, lezada wainhira remata nia eskola ensino baziku sei fila mai hela ho inan aman hakiak.

Testamuna CSS nu'udar vizinu depoimentu katak disstansia vizinu maiz menus metro 50. Testamuna haree lezada ho nia oan sira halimar hamutuk iha testamuna nia uma testamuna la husu tanba testamuna nu'udar agrikultor sempre sai sedu husi uma no fila tarde ba uma no la iha kuinesementu kona faktu sira ne'e.

Alegasaun finál

Prokuradór haktuir katak arguidu AdS nega faktu balun konfesa apenas uza de'it tizora tesi lezada nia fuuk. Arguida Paulina da Silva konfesa faktu no lembra mos arguidu Agostino da Silva nia konduta katak arguidu AdS uza fiu baku dala rua iha lezada nia ain. Prokurador intende katak arguidu sira provadu komete krime halo tratamentu at hasoru menor ne'ebe depedensia ekonomia ba sira. konsiderasaun sira ne'e hotu, husu ba tribunál atu aplika pena prizaun tinan rua suspende ba tinan rua ba kada arguidu.

Entretantu defeza haktuir katak mezmua arguidu sira alfanabetu maibe iha hanoin atu proteze lezada nu'udar fetu ba iha futuru tanba sira prekupa situasaun fetu iha Timor infrenta liuliu soe bebe iha lisu, lezada mos remata nia eskola ensinu Basiku iha Suai hakarak fila ba arguidu sira nu'udar inan aman hakiak no arguidu sira mós durante ne'e hanoin lezada no prontu simu lezada iha sira nian moris. Bazeia ba produsaun prova iha audensia julgamentu husu ba tribunál atu aplika pena ne'ebe maiz adekuadu ba arguidu sira.

Desizaun

Depoide avalia faktu sira hotu, tribunál prova katak arguidu AdS uza fiu eletrisidade nia baku dala rua iha ain, arguidu mos uza tizora tesi badak lezada nia fuuk no arguida PdS basa dala rua iha lezada nia hasan no hamutuk tesi lezada nia fuuk.

Bazeia ba faktu sira ne'e hotu no tetu mós ba sirkunstánsia tatenuante sira hanesan, arguidu sira primeiravés mai hatan iha tribunál, arguidu sira arrepende ba nia hahalok no promete sei la halo tan iha futuru, nune'e tribunál konklui prosesu ne'e no kondena kada arguidu ho pena prizaun tinan rua suspende ba tinan rua.

25. Krime ofensa ba integridade fízika simples ho natureza violénsia doméstika

Nú. Prosesu : 0144/21. BCBCV
Kompozisaun Tribunál : Singulár
Juis : Dr. José António d. Escurial
Prokuradora : Dr. Bartolomeu de Araújo
Defeza : Dr. José Maria Caetano Guterres
Desizaun : Pena prizaun fulan 2 suspende ba tinan 1

Iha 25 Outubru 2021, Tribunál Distritál Baukau prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JDS hasoru nia oan ho idade tinan 13, iha Munisípiu Baukau.

Akuzasaun Prokuradora

Prokuradora akuza katak iha 01 Dezembru 2020 iha oras tuku 15:00 loraik iha uma lezadu ho nia maun haree hela facebook arguidu la'o husi kotuk basa dala rua iha lezadu nia hasan rezulta lezadu monu ulun baku ba ba fatuk hetan kanek no ran. Motive tanba lezada ba hein bibi asu tata mate tiha bibi.

Prokuradora akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35 no 36 LKVD.

Produsaun ba prova sira

Iha prosesu julgamentu, arguidu deklar katak faktu ne'e loos hotu no hatutan tan katak arguidu hirus tanba arguidu moras lora rua la ba haree bibi ne'e mak haruka lezadu ba hree netik mak asu tata mate tiha bibi rua, arrepende ba nia hahalok, foin primeiravés mai hatan iha tribunál, depoisde akontese di'ak malu ona to'o agora la baku ona lezadu, arguidu nu'udar agrikultor no hakiak bibi iha oan nain sanulu.

Alende ne'e, lezadu deklar katak momentu lezadu ba hein bibi maibe la hatene bibi lakon ka asu tata bibi, iha uma arguidu baku lezadu mak foin hatene, lezadu ba hato'l keisa iha Polisia kontinua tratamentu iha sentru Saude Riamari baisa durante lora lima no deklar katak sira di'ak malu ona no depoisde akontesimentu ne'e, arguidu la halo ona agresaun hasoru lezadu.

Alegasaun finál

Prokurador haktuir katak iha prosesu julgamentu arguidu konfesa faktus sira ne'ebe imputa ba nian entretantu lezadu mos kontinua konfirma faktu sira iha akuzasaun, arguidu iha oan nain sanulu atu garantia membru familia nia moris iha futuru. Nune'e husu ba tribunál atu kondena arguidu ho pena prizaun fulan ida suspende ba tinan ida.

Entretantu, defeza husu ba tribunál atu fo justisa ne'ebe maiz adekua ba arguida tanba arguida konfesa, arrepende ninia hahalok, di'ak malu ona ho lezada no foin primeiravés mai hatan iha tribunál.

Desizaun

Depoide avalia faktu sira hotu, tribunál prova katak arguidu la'o husi kotuk basa dala rua iha lezadu nia hasan rezulta lezadu monu ulun baku ba ba fatuk hetan kanek no ran.

Bazeia ba faktu sira ne'e hotu no tetu mós ba sirkunstánsia atenuante sira hanesan arguidu konfesa ba faktu, arguidu primeiravés baku lezada, arguidu arrepende ba nia hahalok, no foin primeiravés mai hatan iha tribunál no promete sei la halo tan iha futuru, nune'e tribunál konklui prosesu ne'e hodi kondena arguidu ho pena prizaun fulan rua no suspende ba tinan ida.

26. Krime omisídiu agravadu ho natureza violénsia doméstika, arma brankas no ameasa

Nú. Prosesu : 0021/21. LALAT
Kompozisaun Tribunál : Koletivu
Juis : Dra. Sribuana da Costa no Dra. Maria Modesta de Almeida
Viera, Dr. José António d. Escurial
Prokuradór : Dra. Remizia de Fátima da Silva
Defeza : Dr. José Maria Caetano Guterres
Desizaun : Pena unika tinan 15 kadeia

Iha 25 Outubru 2021, Tribunál Distritál Baukau prezide julgamentul leitura akordaun ba krime omisídiu agrvadu ho natureza violénsia doméstika, arma brankas no ameasa ne'ebé envolve arguidu AdR hasoru nia feen RM ho oan sira FdRM no GRdRM iha Munisípiu Lautein.

Akuzasaun Prokuradór

Prokuradór akuza katak, 22 Janeiru 2021 iha 12:00 kalan mosu dezintendementu entre arguidu ho nia feen arguidu nervozu uza aidona baku dala barak iha lezada nia ulun to'o monu ba rai dezmaia depois arguidu uza tan katan hodi taa iha lezada nia rein toos, ain, liman, kotuk laran no kabun ran sai barak mate kedas iha fatin.

Antes ne'e arguidu hamate tiha ai eletridade no lezada Fidelia do Rego Mendes rona arguidu baku nia inan lezada Fidelia mai hamrik iha kuartu laran uza lampra leno hodi haree no hapara netik maibe arguidu hirus no ameasa atu baku mate mos sira nia oan ne'e. lezada Fidelia sente tauk no hateten ba arguidu *apa apa to'o* arguidu hatan husik oho mate tiha deit nia sente tauk liu no nonok deit. Depois arguidu hateten ba lezada Fidelia katak *o labele fo hatene ba ema ruma kona ba ama nia mate, o fo hatene ema o mosh au sei oho hotu* arguidu hasai liafuan ameasa ne'e ho makaas nia sente tauk liu tan no nia pretende arguidu tenki komarka se lae bele oho tan nia ho nia alin kiik ne'e. depoisde lezada mate tiha arguidu telefone no inform aba familia sira Justu Fernades, Alarico Mangalaes, Cesar Morao katak imi mai fo haris imi nia ian nia mate hodi haloot no hakoi.

Prokuradór akuza arguidu kontra artigu 139 (c,d,h) KP kona-ba omisídiu agrvadu ho moldura penál tinan 12 to'o 25 konjuga ho artigu 35, alinea b, no 2, 1, alinea a husi LKVD. Krime arma brankas artigu 20 Nu.1 no artigu 2 (2) husi lei arma brankas ho moldura penál tinan 3 to'o tinan 6. Artigu 157 KP kona-ba krime ameasa ho moldura penál tinan to'o 1 ka multa .

Produsaun ba prova sira

Iha prosesu julgamentu, arguidu deklara katak, lezada nu'udar moras mental ka bulak no monetu ne'e iha oras tuku 17:00 loraik lezada ba ai laran no fila mai uma arguidu haree rein toos kanek no ain tuur kanek, iha lezada haksoit tun sae iha uma laran no kaer fatuk iha liman hodi tuku tan ba nia rein toos ne'ebe kanek no kaer besik belar ida sona ba nia hirus matan maibe la kanek no sona ba nia vajina maibe la kanek. Arguidu hatutan tan katak arguidu la uza ai dona baku lezada no uza katan taa lezada. sira nia

oan kiik nain rua iha maibe toba dukur hotu ona sira la hatene lezada nia mate maibe arguidu hatene katak lezada mate tanba mesak oho-an hanesan arguidu temi ona iha leten. Lezada moras mental antes tinan tolu ona ema vizinu sira hatene.

Alende ne'e, lezada FdRM deklara katak mometu ne'e lezada ho nia alin toba ho ama iha kuartu laran mak arguidu kous tiha ba kuartu sorin nune'e lezada mos la toba no lezada rona nia inan hakilar lezada hamrik iha odamatan haree arguidu foti ai baku dala rua iha nia inan nia ulun no foti tan katan taa iha lezada ain, ulun, kabun no ran sai barak, momentu lezada atu hakilar maiz tauk arguidu atu oho lezada, arguidu mos dehan atu oho lezada ho nia alin. lezada Fidelia deklara katak nia ama la moras mental maibe arguidu mak moras mental nee mak oho lezada.

Testamuña AM u'udar vizinu depoimentu katak momentu iha oras tuku 04:00 daderan arguidu mak kontaktu dehan o mai lai tanba hau nia feen mate ona ne'e mak arguidu ba haree lezada iha kuartu laran ho kondisaun mate ona toba iha rai, testamuna haree lezada kanek iha rein toos, liman karuk no loos besik liman fuan mos kanek hotu, ain tuur rua mos kanek hotu, tuir testamuna nia intedementu kanek iha rein toos ne'e hanesan ema ta, testamuña ho LX no CM mak fo haris ba lezada, arguidu mos la koalia ba buat ruma ba testamuña kona ba lezada nia mate no testamuna mos la haree katana no ai dona ruma iha kuartu laran.

Testamuña LX nu'udar vizinu depoimentu katak iha oras tuku 04:00 dadersan arguidu ba bolu testamuna iha nia uma dehan ba um alai o nia inan mate ona testamuña hakfodak no hakilar tanba sa mak hanesan ne'e. nune'e arguidu ba haree lezada iha kuartu laran ho kondisaun mate ona toba iha rai, haree lezada nia rein toos kanek no ran barak iha kuartu laran. Depois arguidu dehan hau mak baku maibe arguidu la dehan baku oinsa no baku dala hira, testamuña ho maluk sira mak fo haris no troka lezada.

Testamuña CM nu'udar vizinu depoimentu katak iha oras tuku 05:00 dadersan arguidu kontaktu testamuña dehan ama mate ona ne'e mak testamuña ba haree iha kuartu laran lezada ho kondisaun mate toba iha rai no haree ran barak iha hadak leten nune'e sira kous sai lezada mai liur hafoin fo haris mak testamuña haree kanek boot iha rein toos no kanek iha nia liman rua besik liman fuan no ain tuur rua kanek hotu, maibe arguidu dehan o nia inan monu mak mate.

Testamuña JdC nu'udar vizinu depoimentu katak momentu iha oras tuku 23:00 kalan testamuna rona de'it arguidu nia lian hakilar maibe la rona mos lia fuan saida mak arguidu hakilar, kona ba faktu sira seluk testamuña la iha kuinesementu.

Testamuna ZdC nu'udar vizinu depoimentu katak momentu iha oras tuku 23:00 mak rona hanesan bikan tarutu, kleur tiha Leonardo ba testamuna nia uma dehan arguidu baku mate ona nia feen ho rotan nune'e testamuña ho LX ba arguidu nia uma testamuña to'o deit iha arguidu nia odamatan horon ran nia is testamuña la toman ran

nia is nune'e testamuna fila kedas ba nia uma toba tiha. testamuña hatene lezada moras mental.

Testamuna JF nu'udar vizinu depoimentu katak momentu kalan boot arguidu telefone testamuna dehan *o mai lai maibe testamuna hatan kalan ona hau la ba* iha loron tuku 06:00 daeder mak testamuña ba maibe iha deit Estrada no fila fali ba uma mak arguidu haruka labarik ida ba hsuru testamuña deha atu raut tiha ran ne'e mak testamuña deskonfia ita raut ran ne'e kerzer lezada mate ne'e ema mak oho ho razaun ne'e mak testamuna mos lakohi ba raut ran no kona ba lezada nia mate testamun ala iha kuinesementu. Arguidu hatene lezada moras mental

Testamuña JdS nu'udar vizinu depoimentu katak lezada mate testamuña la hatene no dader mos testauna ba tiha najar bainhira fila fila husi bajar mak foin hatene lezada nia mate maibe la iha kuinesementu kona ba lezada nia mate.

Alegasaun finál

Prokuradór haktuir katak baseia ba produsaun prova testamuna arguidu ho lezada nia oan ne'ebe sei kiik hamrik iha odamatan kuartu nia haree direita bainhira arguidu halo agresaun baku ho ai no ta ho katana to'o lezada mate iha fatin, arguidu ho intensaun hakarak ohon lezada tanba bainhira lezada mate tiha arguidu kontaktu ho testamuna sira seluk atu lalais mai haris mos lezada no troka lezada nune'e arguidu dehan lezada mate mesak maibe testamuna sira mos ba haree fatin akontesementu iha kuartu haree ran iha hadak no iha rai. Ho razaun hira ne'e husu ba tribunal atu fo justisa ne'ebe justu ba arguidu.

Entretantu, defeza haktuir katak testamuña sira mai deklarara katak lezada ne'e moras mental tanba ne'e parte defeza tau krebilidade ba arguidu nia deklarasaun iha produsaun prova katak lezada mesak oho an la'os mate tanba arguidu nia konduta, arguidu foin primeiravés mai hatan iha tribunál, razaun hirak ne'e husu ba tribunal atu fo justisa ne'ebe justu ba arguidu.

Desizaun

Depoide avalia faktu sira hotu, tribunál tau krebilidade ba lezada nia depoimentu nune'e prova katak lezada ho nia alin toba ho nia inan iha kuartu laran mak arguidu kous tiha ba kuartu sorin nune'e lezada mos la toba no lezada rona nia inan hakilar lezada hamrik iha odamatan haree arguidu foti ai baku dala rua iha nia inan nia ulun no foti tan katan taa iha lezada ain, ulun, kabun no ran sai barak, momentu lezada atu hakilar maiz tauk arguidu atu oho lezada, arguidu mós dehan atu oho lezada ho nia alin. lezada FdRM deklarara katak nia ama la moras mental maibé arguidu mak moras mental nee mak oho lezada.

Bazeia ba faktu sira ne'e hotu no tetu mós ba sirkunstánsia atenuante sira hanesan, arguidu primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun unika tinan sanulu resin lima kadeia

27. Krime maus-tratus ba kónjuje

Nú. Prosesu : 0021/20. VQSIC
Kompozisaun Tribunál : Koletivu
Juis : Dr. José António d. Escurial no Maria Modesta de Almeida
Viera Dra. Sribuana da Costa
Prokuradór : Dr. Julio da Silva Correia
Defeza : Grigório Maria Lourdes de Lima
Desizaun : Pena prizaun tinan 2 suspende ba tinan 2

Iha 26 Outubru 2021, Tribunál Distrital Baukau prezide Julgamentu leitura akordaun ba krime maus-tratus ba kónjuje ne'ebé envolve arguidu DNF hasoru nia feen ARdC (membro PNTL) iha Munisípiu Vikeke.

Akuzasaun prokuradór nian

Prokurador akuza katak 21 Novembru 2020 iha oras tuku 08:00 kalan arguidu deskonfia lezada ho mane seluk no dehan o agora lori telefone tui-tuir iha o nia an, lezada fo telefone ba arguidu no haree iha lezada nia telefone laran lezada foto hamutuk ho mane seluk, mangame hau sona mate kedas ó iha ne'e lezada halai sai tiha ba arguidu nia tiun nia uma no toba iha tiun nia uma . iha 22 Novembru 2020 iha oras tuku 07:00 dadeer arguidu ba tuir lezada iha tiun nia uma no iha tiun nia oin arguidu tolok lezada dehan fetu puta mai toba iha hau nia familia nia familia nia uma. Iha oras tuku 12:00 miudia iha sira nian uma lezad ho labarik toba iha hadak letan arguidu mosu dehan labarik labele toba ho fetu puta ne'e no hatutan tan fetu puta sai tiha tanba tuur nafatn iha uma oin ne'e. iha oras tuku 17:00 loraik lezad ho nia oan ba lezada nia servisu fatin to'o iha dalan klaran besik oili pezadu nia oin arguidu ho motor halai toman lezada arguidu foti kapasete tuda dala ida iha lezada nia kanuruk, lezada nu'udar fetu servisu nu'udar membru PNTL la nia nia dignidade tanba arguidu trata at iha ema barak nia oin.

Prokurador akuza arguidu kontra artigu 154 KP kona-ba maus-tratus b konjuje ho artigu. 2, 3(a), 35(a) no 36 LKVD

Produsaun ba prova sira

Iha produsaun ba provas arguidu deklar katak lezada hasai foto hamutuk ho ninia eis namoradu hanesan mós membru PNTL no postin iha media sosial (FB) ne'e mak arguidu haree no hirus koalial lezada no tuda kapasete dala ida iha lezada nia kanuruk, depoisde akontese di'ak malu fali ona, arrepende ba ninia hahalok primeiravés mai hatan iha tribunál no agora arguidu la baku ona lezada. Arguidu loke ofisina kada fulan bele hetan rendimentu US\$300.00.

Enkuantu lezada deklar katak rekiunese foto hamutuk ho nia eis namoradu husi Same hanesan mós membru PNTL no tau duni iha FB, depoisde akontese no konfirma

arguidu nia deklarasaun katak depoisde akontese sira diak malu to'o agora la baku ona lezada.

Alegasaun finál

Prokuradór haktuir katak julgamentu arguidu konfesa faktu hotu lezada mós konfirma akuzasun sein rezerva no arguidu nia konduta ne'e halakon lezada nia dignidade iha publiku, mezmu sira di'ak malu oan maibé nafatin preve arguidu nia hahalok futuru tanba sira sei moris hamutuk iha tempu naruk ne'ebé mai. Razaun hirak ne'e husu ba tribunál atu kondena arguidu ba pena prizaun tinan rua suspende ba tinan rua.

Enkuantu defeza haktuir katak hanesan ema, lezada nu'udar arguidu nia feen mak ba hasai foto hamutuk ho nia eis namoradu no publika iha media sosial ne'e hanesan la'en tenki laran moras, kona ba faktu arguidu konfesa iha akuzasaun sein rezerva, di'ak malu ona, arrepende ba nia hahalok, depoisde akontese to'o agora la baku ona lezada. Nune'e husu ba tribunál atu aplika pena ne'ebe maiz adekuadu ba arguidu.

Desizaun

Depoide avalia faktu sira hotu, tribunál prova katak 21 Novembru 2020 iha oras tuku 08:00 kalan arguidu deskonfia lezada ho mane seluk no dehan o agora lori telefone tui-tuir iha o nia an, lezada fo telefone ba arguidu no haree iha lezada nia telefone laran lezada foto hamutuk ho mane seluk o mangame hau sona mate kedas o iha ne'e lezada halai sai tiha ba arguidu nia tiun nia uma no toba iha tiun nia uma . iha 22 Novembru 2020 iha oras tuku 07:00 dadeer arguidu ba tuir lezada iha tiun nia uma no iha tiun nia oin arguidu tolok lezada dehan feto puta mai toba iha hau nia familia nia familia nia uma. Iha oras tuku 12:00 miudia iha sira nian uma lezad ho labarik toba iha hadak letan arguidu mosu dehan labarik labele toba ho feto puta ne'e no hatutan tan feto puta sai tiha tanba tuur nafatin iha uma oin ne'e. iha oras tuku 17:00 loraik lezad ho nia oan ba lezada nia servisu fatin to'o iha dalan klaran besik oili pezadu nia oin arguidu ho motor halai toman lezada arguidu foti kapasete tuda dala ida iha lezada nia kanuruk, lezada nu'udar feto servisu nu'udar membru PNTL la nia nia dignidade tanba arguidu trata at iha ema barak nia oin

Bazeia ba faktu sira ne'e hotu no tetu mós ba sirkunstánsia tatenuante sira hanesan arguidu konfesa ba faktu, arguidu primeiravés baku lezada, arguidu arrepende ba nia hahalok, no foin primeiravés mai hatan iha tribunál no promete sei la halo tan iha futuru, nune'e tribunál konklui prosesu ne'e no kondena arguidu ho pena prizaun tinan rua suspende ba tinan rua.

28. Krime abuzu seksuál ba menór (antes julgamentu movel 12 Oouburu 2021)

| | |
|----------------------|---|
| Nú. Prosesu | : 0061/20. VQWTL |
| Kompozisaun tribunál | : Koletivu |
| Juis | : Dr. José António d. Escurial no Maria Modesta de Almeida Viera Dra. Sribuana da Costa |
| Prokuradór | : Dr. Julio da Silva Correia |
| Defeza | : Dr. Germano G. ramos |
| Desizaun | : Pena prizaun tinan 4 |

Iha 26 Outubru 2021, Tribunál Distrital Baukau prezide Julgamentu leitura akordaun ba krime abuzu seksuál ba menór ne'ebé envolve arguidu LdA hasoru lezada ho idade tinan 13 iha Munisípiu Vikeke.

Akuzasaun prokuradór nian

Prokurador akuza katak iha 23 Dezembru 2020 arguidu ho lezada komesa iha relasaun namoradu no iha 26 Dezembru 2020 iha oras tuku 01: 00 madrugada arguidu ho lezada ba tuur hamutuk iha kampu football besik lezada nia uma, lezada nia avo bolu lezada atu ba toba nune'e lezada informa ba arguidu katak hein lezada iha dapur kotuk . lezada tama tiha ba uma laran no sai fila fali hasoru arguidu komesa rein malu arguidu hasai lezada nia ropa latan lezada ba iha rai arguidu toba iha lezada nia hatama penis ba lezada nia vajina to'o ejakulasaun derepente lezada nia avo leno lampra kona arguidu ho lezada nun'e arguuidu dada sae kalsa halai tiha.

Prokurador akuza arguidu kontra artigu 177 (1) KP kona-ba abuzu seksuál ba menór ho moldura penál tinan 5 to'o tinan 15 prizaun

Produsaun ba prova sira

Iha produsaun ba prova arguidu deklarata katak halo relasaun seksuál ne'e loos hotu tanba sira iha relasaun namoradu no iha 30 Maiu 2021 familia sira tuur hamutuk rezolve ho solusaun arguidu fo sala ona ba lezada no sira nain rua forma ona familia nu'udar feen no la'en agora hela hamutuk iha uma ida.

Enkuantu lezada deklarata katak sira iha relasaun namoradu momentu ne'e lezada eskola ensinu baziku terseiru siklu setemu ano, lezada sidauk iha fontade maibé sira iha relasaun namoradu, agora sira hola malu ona no moris hamutuk iha uma ida nu'udar feen ho la'en.

Testamuña RA nu'udar lezada nia avo depoimentu katak kalan ne'e testamuña mak bolu lezada tama uma laran, depois testamuña sai ba liur atu ba haris fatin mak haree hetan sira halo relasaun seksuál arguidu mak iha leten lezada mak iha okos no haree ba arguidu dada kalsa halai, lezada ho arguidu hola malu agora moris hamutuk ona nu'udar feen ho laen.

Alegasaun finál

Prokuradora haktuir katak mantein akuzasaun no haree lezada nian sertidaun junta iha prosesu katak arguidu katak arguidu halo relasaun seksuál ho lezada ne'ebe ho idade sei menór no lezada rasik deklarata sidauk iha vontade atu halo relasaun seksuál no testamuña rasik mós haree sira halo relasaun seksual. Nune'e husu ba tribunál atu kondena arguidu ba pena prizaun tinan sanulu iha kadeia.

Enkuantu defeza haktuir katak arguidu konfesa katak sira iha relasau espeseila namurado nune'e sira halo relasaun seksual ne'e ho konsientemente. Arguidu ho lezada hola malu ona hanesan feen ho la'en moris hamutuk ona iha uma nafatin to'o agora. Tanba ne'e husu ba tribunal aplika atenuante extra ordinariu.

Desizaun

Depoide avalia faktu sira hotu, tribunál prova katak arguidu halo relasaun seksual lezada ne'ebe ho idade sei menor, antes sira iha relasaun namoradu no depoide akontese sira hola malu ona nu'udar feen ho la'en.

Bazeia ba faktu sira ne'e hotu no tetu mós ba sirkunstánsia atenuante sira hanesan arguidu konfesa ba faktu, arguidu primeiravés baku lezada, arguidu arrepende ba nia hahalok, no foin primeiravés mai hatan iha tribunál ho razaun hirak ne'e tribunal halo atenaunte ekstraordinariu, nune'e tribunál konklui prosesu ne'e no kondena arguidu ho pena prizaun tinan haat kadeia.

29. Krime ofensa ba integridade fizika simples ho natureza violensia domestika, ameasa no arma brankas

Nú. Prosesu : 0015/20. BCQLC
Kompozisaun Tribunál : Koletivu
Juis : Dra. Florencia Freitas, Dra. Jumiaty Maria Freitas Dr.
Jose Q. S. Celestino
Prokuradór : Dr. Bartolomeu de Araújo
Defeza : Dr. Germano Guterres Ramos
Desizaun : Absolve

Iha 26 Outubru 2021, Tribunál Distritál Baukauprezide julgamentu leitura akordaun ba krime ofensa ba integridade física simples ho natureza violénsia doméstika, ameasa no arma brankas ne'ebé envolve arguidu UM no SM hasoru lezada MEB, iha Munisípiu Baukau.

Akuzasaun Prokuradór

Prokuradór akuza katak iha arguidu UM no lezada nu'udar feen ho la'en no arguida SM ho lezada nia oan madrasta. Katak loron haluhan maibé iha fulan Maiu 2020 iha oras tuku 09:00 dadeer, lezada iha to'os laran no arguidu mós ba haree bibi no mosu iha to'os laran soe piedasi ba lezada katak bibi sira ne'e het malu oan la iha lezada hatan tanba sa? Mak koalia hela de'it liafuan ne'e, lezada haree arguidu foti katana ameasa lezada atu taa mak lezada halai ba hato'o keisa iha Polisia eskuadra Kelikai. Arguidu nian hahalok lezada hela fali ba nia inan aman.

Loron fulan no tinan haluha maibé lezada intende katak arguida SM baku lezada nia isin sira kanek hotu, lees lezada nia lipa no roupa interior mós lees.

Prokuradór akuza arguidu UM paratika krime rua kontra artigu 157 KP kona-ba ameasa ho moldura penál to'o tinan 1 ka multa no Artigu 20 (1), artigu 2 (2 alinea f) Lei Arma Brankas ho moldura penál tinan 3 to'o tinan 6 no akuza SM kontra artigu 145 KP kona-ba ofensa ba integridade física simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD.

Produsaun ba prova sira

Iha prosesu julgamentu, arguidu UM deklara katak la iha kuinesementu kona ba faktu sira iha akuzasaun maibé arguidu nu'udar agrikultór no hein bibi sempre lori katana hodi uza ba atividade agrikultura no ba hein bibi uza katana ta ai tahan fó ba bibi sira hodi han no arguidu la uza katan hodi ameasa lezada. arguidu nia feen primeiru mate ona no iha oan nain hitu, depois mak hola fali lezada iha tinan 2017 moris separa fali iha tinan 2020 to'o agora sira sidauk iha oan.

Arguida SM deklara katak nia la iha kuinesementu kona ba faktu sira iha akuzasaun, arguida iha Dili mak ofisial Ministeriu Publiku telefone arguida foin hatene katak problema ho lezada maibé arguida la hatene buat ida. Arguida hola mane ona oan nain tolu la hela hamutuk ho lezada.

Alende ne'e, lezada konfirma faktu hotu ne'ebe arguidu nain rua halo ba lezada. lezada hatutan tan katak arguidu nain rua nian hahalok ne'e mak lezada diside fila fali ba nia inan aman, lezada mós antes hola uluk ona mane seluk, arguida SM la hela hamutuk ho lezada.

Alegasaun finál

Prokuradór haktuir katak mezmú arguidu sira nega faktu iha akuzasaun maibé lezada deklara faktu sira ne'e akontese mak lezada dezvia husi arguidu sira to'o lezada hela fali ho nia inan aman tanba ne'e prokuradór intende katak akuzasaun prosedente provadu, nune'e husu ba tribunál atu kondena arguidu UM ba pena unika tinan tolu suspende ba tinan tolu.

Iha parte seluk, defeza haktuir katak parte defeza duvia ba akuzasaun no lezada nia deklarasaun katak akontese lezada ba hato'o kedas keisa maibé lora de'it mos lezada la apura tanba ne'e defeza intende katak faktu sira ne'e la akontese. Razaun hirak ne'e, husu ba tribunál atu atu absolve arguidu sira husi prosesu.

Desizaun

Depoide avalia faktu sira hotu, tribunál prova katak arguidu UM nia feen primeiru mate ona no iha oan nain hitu, arguidu UM ho lezada forma familia iha tinan 2017 arguidu UM nia atividade lora-lora halo to'os no haree bibi. Arguida SM nu'udar lezada nia oan madrasta no iha la'en oan nain tolu la hela hamutuk ho lezada. la prova katak arguidu UM uza katana ameasa lezada no la prova katak arguida SM hela hamutuk ho lezada no la halo agresaun hasoru lezada.

Bazeia ba faktu sira ne'e hotu no tetu mós ba sirkunstánsia tatenuante sira hanesan arguidu sira primeiravés mai hatan tribunál, nune'e tribunál konklui prosesu ne'e no absolve arguidu nain husi prosesu.

30. Krime arma brankas

Nú. Prosesu : 0051/20. MNMNT
Kompozisaun Tribunál : Koletivu
Juis : Dra. Florencia Freitas, Dra. Jumiaty Maria Freitas Dr.
Jose Q. S. Celestino
Prokuradór : Dr. João Marques
Defeza : Dr. Sidonio Maria Sarmiento
Desizaun : Pena prizaun tinan 3 suspende ba tinan 3

Iha 26 Outubru 2021, Tribunál Distritál Baukau prezide julgamentu leitura akordaun ba krime arma brankas ne'ebé envolve arguidu Bernabe Pinto Soarse hasoru Estadu RDTL, iha Suku Kribas, Postu Admnistrativu Manatuto, Vila Munisípiu Manatuto.

Akuzasaun Prokuradór

Prokuradór akuza katak iha 26 Agostu 2020 iha oras tuku 08:00 kalan sasin Julio de Araoju Mendes haree arguidu lori tudik atu sona sasin mak sasin baku sees tiha kona fali sasin nia liman parte loos hetan kanek.

Prokuradór akuza arguidu kontra artigu Artigu 20 (1), artigu 2 (2 alinea f) Lei Arma Brankas ho moldura penál tinan 3 to'o tinan 6

Produsaun ba prova sira

Iha prosesu julgamentu, arguidu hili direitu nonok.

Alende ne'e, Testemuña dekalra katak momentu ne'e sira iha festa haree arguidu tolok ne'e mak lezadu nia primu Andre Soares baku arguidu derepente arguidu mai sona fali testamuña ne'e mak testamuña baku sees fali arguidu nia liman ne'e mak tudik kona fali lezadu nia liman, sira di'ak malu ona to'o agora sira la iha problema.

Alegasaun finál

Prokuradór haktuir katak mezmú arguidu hili direitu nonok maibé testamuña mai konfirma akuzasaun katak arguidu uza duni tudik. Tanba ne'e husu ba tribunál atu kondena arguidu ba pena prizaun tinan tolu suspende ba tinan tolu.

Iha parte seluk, defeza haktuir katak bazeia ba produsaun prova iha audensia julgamentu husu ba tribunál atu aplika pena kmaan liu ba arguidu.

Desizaun

Depoide avalia faktu sira hotu, tribunál prova katak arguidu lori tudik atu sona sasin mak sasin baku sees tiha kona fali sasin nia liman parte loos hetan kanek.

Bazeia ba faktu sira ne'e hotu no tetu mós ba sirkunstánsia atenuante sira hanesan arguidu foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan tolu no suspende ba tinan tolu.

31. Krime ofensa ba integridade fízika simples ho natureza violensia domestika no arma brankas

Nú. Prosesu : 0046/20. MNMNT
Kompozisaun Tribunál : Koletivu
Juis : Dra. Maria Modesta de Almeida Viera no Dr. José António d. Escurial, Dra. Sribuana da Costa
Prokuradór : Dr. Bartolomeu de Araújo
Defeza : Dr. Grigório Maria Lourdes de Lima
Desizaun : Pena unika tinan 3 suspende ba tinan 3

Iha 27 Outubru 2021, Tribunál Distritál Baukauprezide julgamentu leitura akordaun ba krime ofensa ba integridade fízika simples ho natureza violénsia doméstika no arma brankas ne'ebé envolve arguida JCEdF hasoru nian la'en, iha Munisípiu Manatuto.

Akuzasaun Prokuradór

Prokuradór akuza katak iha loran kuarta 21 Maiu 2020 iha tuku 08:00 dader arguida haruka lezadu ba impresta osan US\$50.00 maibe lezadu impresta fali to'o US\$100.00 nune'e arguida hirus tolok lezadu inan nia huin mane servisu la iha, lezadu rona ida ne'e lezadu mos hirus basa dala ida iha arguida nia hasan. Derepente arguida ba foti tudik atu sona lezadu maibe la konsege, arguida foti tan katana taa odamatan no taa kona lezadu nia liman hetan kanek no ran.

Prokuradór akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa, konjuga ho artigu 2, 3(a), 35(b) no 36 LKVD no Artigu 20 (1), artigu 2 (2 alinea f) Lei Arma Brankas ho moldura penál tinan 3 to'o tinan 6

Produsaun ba prova sira

Iha prosesu julgamentu, arguida deklarata katak antes ne'e arguida haruka lezadu ba impresta osan US\$50.00 maibe ema nain mai husu fali US\$100.00 ne'e mak arguida hirus mosu diskusaun lezadu basa arguida ne'e mak arguida foti tudik iha dapur haree ba lezadu iha kuartu laran arguida tuda de'it tudik ne'eba odamatan lezada ba foti katana iha dapur laran lezadu sai husi uma laran hakuak arguidu ne'e mak katana kona lezad nia liman fuan kanek, la'os arguida mak taa lezadu nia liman. Arguida nu'udar domestika, diak malu ona, arrepende ba ninia hahalok no foin primeiraves mai hatan iha tribunal

Alende ne'e, lezadu konfirma arguidu nia deklarasaun katak nia impresta duni osan US\$100.00 maibe la informa ba arguida nune'e mosu diskusaun lezadu basa dala ida iha arguida nia hasan lezadu haree arguida foti tudik lezadu halai ba uma laran mak rona tuda tudik refere ba odamatan, arguidu sai fali mai liur haree arguida foti tan katana ne'e mak lezadu ba hakuak atu foti tiha katan mak katana kona lezadu nia liman

fuan parte karuk nian hetan kanek. Sira forma família iha tinan 2009 iha oan nain tolu foin primeiravés mosu problema.

Alegasaun finál

Prokuradór haktuir katak iha audensia julgamentu arguida konfesa faktu uza katana halo kanek lezadu nia liman, prokuradór intende katak arguida komete krime rua ne'e imputa ba nian mesmu sira di'ak malu maibé nafatin tau prevensaun ba arguida nia konduta nune'e ba futuru arguida labele hatoma-an uza sasan kroat hodi rezolve problrma. Razaun hirak ne'e husu ba tribunál atu kondena arguida ba pena unika tinan tolu suspende ba tinan tolu.

Iha parte seluk, defeza haktuir katak mosu diskusaun lezadu basa ona arguida ne'e mak arguida la kontrola-an ba foti katana lezadu ba hadau katana mak kona fali lezadu nia liman. Tanba ne'e, husu ba tribunál atu aplika pen ane'ebe maiz adekuadu ba arguida.

Desizaun

Depoide avalia faktu sira hotu, tribunál prova katak arguida ba foti tudik atu sona lezadu maibé la konsege arguida foti katana taa odamatan no taa kona lezadu nia liman hetan kanek no ran.

Bazeia ba faktu sira ne'e hotu no tetu mós ba sirkunstánsia atenuante sira hanesan diak malu on aho lezadu, arrepende ba ninia hahalok no foin primeiravés mai hatan iha tribunál, tanba ne'e tribunal konklui nia prosesu hodi kondena arguidu ho pena unika tinan tolu suspende ba tinan tolu

32. Krime maus-traus ba menor nó armas brankas

| | |
|----------------------|---|
| Nú.Prosesu | : 0032/20 VQOSU |
| Kompozisaun Tribunál | : Koletivu |
| Juis | : Dra. Sribuana da Costa Dr. José A de J Escurial Dra. Maria Modesta de almeida Vieira |
| Prokuradór | : Dr. João Marques |
| Defeza | : José Maria Caetano Guterres |
| Desizaun | : Kondena arguida ATdS ho pena prizaun tinan 3 no suspendeba tinan 3 no aguidu ATMG kondena ho pena unika tinan haat prizaun. |

Iha 28 Outubru 2021 Tribunál distritál Baukau prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguida ATdS no arguidu ATMG hasoru sira nia oan feto, iha munisípiu Vikeke.

Akuzasaun prokuradór nian

Prokuradór akuza katak iha 25 Dezembru 2020, maizumenus tuku 19:00 kalan lezada foin fila husi toos tanba ajuda nia avó la kleur arguida ATdS bolu lezada atu kous nia alin, maibé lezada hatan katak nia troka tiha lai roupa, maibé arguida direktamente tebe dala tolu iha lezada nia kotuk laran, tebe dala rua iha lezada nia kabun nune'e lezada monu ba rai mak arguida rasta lezada nia fuuk dada sae mak basa dala rua iha lezada nia hasan parte loos no karuk, nune'e arguida ba foti fali aisuak atu baku leada mak Sra. Nelsia da Costa no Sra. Filomena da Costa satan netik lezada nune'e arguida la konsege baku lezada.

Depoisde ne'e arguida bolu fali arguidu ATMG tanba ne'e mak arguidu arguidu ATMG direktamente tebe dala rua iha lezada nia kotuk laran nune'e lezada monu ba rai hafoin arguidu tebe dala barak iha lezada nia kotuk laran depois arguida no arguidu kaer lezada nia ain no liman hodi soe tun lezada ba iha eskzada no arguidu kontinuebebe iha lezada nia kotuk laran depois arguidu ba foti katana atu taa lezada tanba ne'e lezada tauk hodi halai ba nia avó hodi husu ajuda.

Prokuradór akuza arguida no arguidu kontra artigu 145 KP kona-ba ofensa ba integridade fizika simples ho nia moldura penál to'o tinan 3 ka multa konjuga ho artigu 2(a),3(c) 35(b) no 36 LKVD, no Artigu 20 (1), artigu 2 (2 alinea f) Lei Arma Brankas ho moldura penál tinan 3 to'o tinan 6

Produsaun ba prova sira

Iha julgamentu arguida ATdS konfesa integralmente katak faktu sira iha akuzasaun ne'e loos hotu, iha momentu akontesementu arguida bolu lezada atu ba kous nia alin maibé lezada hakilar fali arguida mak arguida nervozu hodi baku lezada, arguida deklarar mós katak antes ne'e dala ruma baku lezada no depoisde akotesementu la baku tan ona lezada nomós di'ak malu fali ona no hela hamutuk nafatin.

Arguidu ATMG mós konfesa integralmente katak faktu sira iha akuzasaun ne'e loos hotu, arguidu baku lezada tanba arguidu rona husi arguida katak lezada hakilar arguida mak arguidu nervozu hodi baku lezada.

Alende ne'e lezada mai konferma katak arguidu sira baku lezada tanba lezada ba to'os la fó hatene ba arguidu sira mak fila ba uma arguidu sira halo agresaun ba lezada hodi rezulta lezada bubu no metan iha kakorok, liman no kotuk laran no ba halo tratamentu saúde hodi simu aimoruk, lazada mós deklarar katak antes ne'e dala ruma arguidu sira baku, depoisde akotesementu diak malu fali ona no arguidu sira la baku tan ona lezada to'o agora.

Tribunál presinde testemuña tanba arguida no arguidu konfesa integralmente ba faktu iha akuzasaun.

Alegasaun finál

Prokuradór haktuir katak iha produsaun ba prova arguida no arguidu konfesa totalmente ba faktu ne'ebé mak imputa ba sira no konfirmasaun husi lezada, alénde ne'e arguidu sira mós deklarar katak akontesementu ne'e laos primeiravés maibé antes

akontesementu ne'e arguida sira dala ruma baku lezada prokuradór haree katak faktu sira ne'e integra ba iha krime maus trátus ba menór tanba arguidu sira rasik deklar katak lezada nu'udar sira nia oan ho idade menus husi tinan 15 tanba ne'e faktu sira ne'e prene liu ba iha krime maus trátus ba menór ho nia agravaun artigu 155 nú 3 KP tanba ne'e prokuradór rekere ba tribunál atu halo alterasaun ba jkualifikasaun jurídiku husi artigu 145 kona-ba ofensa ba integridade fízika simples ba fali iha artigu 155 kona-ba maus trátus ba menór, ho konfesaun arguidu sira nia no konfirmasaun husi lezada nune'e prokuradór husu ba iha tribunál atu kondena arguida Ana Tereza ho pena prizaun tinan 3 no suspende ba tinan 3, ba arguidu Antónia Tilman komete krime rua maus trátus ba menór no armas brankas prokuradór husu pena prizaun tinan 4.

Entretantu parte defeza husu pena ne'ebé adekuadu ba arguida tanba lezada arguida foin primeiravés mai hatan iha tribunál no depoisde akontesementu la baku tan ona, defeza husu pena ne'ebé kaman no labele litima arguidu nia leberdade ba arguidu tanba arguidu iha feen no oan nomós arguidu mak sai finanseiru ba nia família, kona-ba lezada sei menór tenke bazeia ba iha lezada nia sertidaun ruma nomós arguidu hanesan agrikultór nune'e utiliza katana ba to'os no natar nune'e prene ba armasa barankas.

Desizaun

Depoide avalia faktu sira hotu, tribunál prova katak 25 Dezembru 2020, maizumenus tuku 19:00 kalanarguida Ana Teresa tebe dala tolu iha lezada nia kotuk laran, tebe dala rua iha lezada nia kabun nune'e lezada monu ba rai mak arguida rasta lezada nia fuuk dada sae mak basa dala rua iha lezada nia hasan parte loos no karuk, arguida usa ai suak atu baku lezada maibe la konsege tanba hetan impedementu husi Sra. Nelsia da Costa no Sra. Filomena da Costa. arguida bolu arguidu António mai direktamente tebe dala rua iha lezada nia kotuk laran rezula lezada monu ba rai, arguidu kontinua tebe dala barak iha lezada nia kotuk laran depois arguida no arguidu kaer lezada nia ain no liman hodi soe tun lezada ba iha eskzada no arguidu kontinua tebe iha lezada nia kotuk laran depois arguidu ba foti katana atu taa lezada tanba ne'e lezada tauk hodi halai ba nia avó Filomena hodi husu ajuda

Bazeia ba faktu sira ne'e hotu tribunal halo altersaun juridku husi artigu 145 KP ba krime ofensa ba integridade fizika simples baartigu 155 KP krime maus trátus ba menór no tetu mós ba sirkunstánsia atenuante sira hanesan arguidu foin primeiravés mai hatan iha tribunál, di'ak malu ona ho lezada nune'e tribunál konklui prosesu ne'e no kondena arguida ATdS ho pena prizaun tinan tolu no suspende ba tinan tolu no aguidu ATMG kondena ho pena unika tinan haat prizaun.

33. Krime maus-trátus ba kónjuje

Nú. Prosesu : 0023/21. VQVQQ
Kompozisaun Tribunál : Koletivu
Juis : Dra. Sribuana da Costa no Dr. José António d. Escorial,
Dra. Maria Modesta de Almeida Viera
Prokuradór : Dr. Julio da Silva Correia

Defeza : Dr. José Maria Caetano Guterres
Desizaun : Pena prizaun tinan 2 suspende ba tinan 2

Iha 28 Outubru Jullu 2021, Tribunál Distritál Baukau prezide julgamentu leitura akordaun ba krime maus-tratus ba kónjuje ne'ebé envolve arguidu ASdSA hasoru nia feen, iha Munisípiu Vikeke.

Akuzasaun Prokuradór

Prokuradór akuza katak iha 12 Abril 2021 iha oras tuku 16:30 iha lezada nia inan aman nia uma arguidu hakarak kous labarik ba iha nia uma nune'e mosu diskusaun arguidu nervozu tuku dala ida iha tilun parte karuk.

Iha 19 Junu 2020 iha oras tuku 12:30 lezada gravida fulan tolu hela arguidu atu tula nia hodi ba konsulta iha klinika maibé lezada rejenta nune'e arguidu nervozu tuku dala barak iha ulun no tebe dala rua ha kotuk laran.

Iha 28 Juñu 2020 oras la apura arguidu ho kondisaun lanu tama ba uma laran hafoin lezada dehan ba arguidu katak ita sai aman ona ne'e tenki bua servisu la'os hemu tua hela de'it, arguidu fila emidiata tuku dala tolu iha ulun no basa dala ida iha hasan parte loos.

Iha 12 Jullu 2020 iha oras tuku 09:00 dadeer arguidu sei toba ne'e mak lezada koalia katak labele toba hanesan ne'e hafoin arguidu hadeer emidiata tuku dala rua iha ulun no basa dala ida iha hasan parte loos.

Iha 07 Agostu 2020 iha oras tuku 14:00 loraik arguidu fo hatene lezada sira atu Olobai (ba arguidu nia uma) lezada hatan hein lai arguidu nervosu tuku dala ida hasan parte loos.

Prokuradór akuza arguidu kontra artigu 154 KP kona-ba maus-tratus ba kónjuje ho moldura penál tinan 2 to'o tinan 6, konjuga ho artigu 2, 3(a), 35(a) no 36 LKVD.

Produsaun ba prova sira

Iha prosesu julgamentu, arguidu deklar katak faktu hotu ne'ebe iha akuzasaun ne'e loos no deklar tan katak durante sira forma familia arguidu sempre informa ba lezada atu ba halimar iha arguidu niamak mai fali mos lezada lakohi, labarik moras atu ba lai arguidu nia uma mak mai fali mos lezada lakohi ne'e mak arguidu hirus halo agresaun sira ne'e, Arguidu mós deklar katak arrepende ninia hahalok, primeiravés mai hatan iha tribunál no dí'ak malu ona ho lezada akontese ikus arguidu la baku ona lezada to'o agora..

Iha parte seluk, lezada dekalra katak akontese ikus ne'e iha 10 Abril 2021 arguidu tuku dala ida basa dala ida iha tilun parte karuk kakorok nia la konsege buti, iha 12 Abril 2021 lezada atu ba servisu mak arguidu atu lori fali labarik ba nia inan aman nia uma ne'e lezada ba hato'o keisa iha Polisia. Kona ba faktu no motivasaun ne'ebe akontese iha tinan 2020 ne'e lezada konfirma sein rezerva. Diak malu ona to'o agora arguidu la baku ona lezada.

Alegasaun final

Prokuradór haktuir katak arguidu provadu komete krime hasoru lezada bazeia ba arguidu nia deklarasaun no konfirmasaun lezada nian haree ba faktu sira arguidu halo tratamentu kruel tebes hasoru lezada, mezmua sira di'ak malu ona, husu atu fó pena ne'ebé bele prevene arguidu ninia hahalok iha futuru no eduka arguidu katak agresaun bei beik hasoru nia membru familia ne'e kastigu todan. Konsiderasaun sira ne'e hotu, husu ba tribunál atu aplika pena prizaun tinan rua suspende ba tinan rua.

Entretantu defeza husu ba tribunál atu aplika pena ne'ebé maiz adekaudu ba arguidu ho konsiderasaun sira katak arguidu konfesa faktu sira, foin primeiravés mai hatan iha tribunál, di'ak malu ona ho lezada no to'o agora la baku ona lezada.

Desizaun

Depoide avalia faktu sira hotu, tribunál prova katak 12 Abril 2021 iha oras tuku 16:30 arguidu tuku dala ida iha tilun parte karuk. Iha 19 Junu 2020 iha oras tuku 12:30 arguidu arguidu tuku dala barak iha ulun no tebe dala rua ha kotuk laran. Iha 28 Junu 2020 oras la apura arguidu ho kondisaun lanu tama ba uma laran emidiata tuku dala tolu iha ulun no basa dala ida iha hasan parte loos. Iha 12 Jullu 2020 iha oras tuku 09:00 dadeer arguidu tuku dala rua iha ulun no basa dala ida iha hasan parte loos. Iha 07 Agostu 2020 iha oras tuku 14:00 loraik arguidu tuku dala ida hasan parte loos.

Bazeia ba faktu sira ne'e hotu no tetu mós ba sirkunstánsia atenuante sira hanesan arguidu foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan rua suspende ba tinan rua.

34. Tentativa omisídiu agravadu, forma tentada ho natureza violénsia doméstika no arma brakas

| | |
|----------------------|--|
| Nú. Prosesu | : 0071/18. BCSIC |
| Kompozisaun Tribunál | : Koletivu |
| Juis | : Dra. Maria Modesta d. A. Viera no Dr. José António d. Escurial, Dra. Sribuana da Costa |
| Prokuradora | : Dr. João Marques |
| Defeza | : Dr. José Maria Caetano Guterres |
| Desizaun | : Pena prizaun tinan 3 suspende ba tinan 4 |

Iha 28 Outubru 2021, Tribunál Distritál Baukau prezide julgamentu leitura akordaun ba krime tentativa omisídiu agravadu ho natureza violénsia doméstika no arma brakas ne'ebé envolve arguidu CMB hasoru nia maun EF, iha Munisípiu Baukau.

Akuzasaun Prokuradór

Prokuradór akuza katak iha 20 Novembru 2019, iha oras tuku 15:00 lokraik arguidu fila husi mate uma ho kondisaun lanu koalia barak loos nune'e lezadu hasee dehan hemu tua ona koalia barak ona, arguidu rona lezadu nia koalia nune'e arguidu ba foti katana iha bibi luhan mai taa rahun tiha kadeira masa rua, arguidu atu taa lezadu mak lezadu foti sae kadeira tahan netik mak arguidu taa kona kadeira no katana nia kaer fatin kona lezadu nia ulun. Lezadu ba halo tratamentu iha Ospital Referá Baukau, no arguidu nia kanek ne'e suku pontu sanulu resin rua.

Prokuradór akuza arguidu kontra artigu 138 KP kona-ba omisídiu simples ho forma tentada artigu 23, 24 KP ho moldura penál tinan 8 to'o tinan 20, konjuga ho artigu 2, 3(a), 35(b) no 36 LKVD no Artigu 20 (1), artigu 2 (2 alinea f) Lei Arma Brankas ho moldura penál tinan 3 to'o tinan 6

Produsaun ba prova sira

Iha prosesu julgamentu, arguidu deklara katak momentu hemu tua iha mate depois fila ba uma ho kondisaun lanu halo no duni hahalok ne'e hasoru lezadu nu'udar nia aman, di'ak malu ona no hela hamutuk nafatin to'o agora, arrepende ba nia hahalok foin primeiravés mai hatan iha tribunál.

Alende ne'e, lezada mós deklara katak arguidu ne'e lezada nia alin rasik momentu lezadu iha uma haree arguidu fila husi mate uma ho kondisaun lanu koalia bara los ne'e mak lezadu hasee derepente arguidu mosu mai ho katana taa rahun tiha kadeira rua atu no ta lezada ne'e mak lezadu foti sae kadeira satan netik ba nia an arguidu konsege taa fera tiha kadeira mak katana nia hun kona lezadu nia ulun, lezada ba tratamentu iha HoREX Baukau suku pontu hira lezada hatene tuir. diak malu ona no hela hamutuk natin nu'udar maun ho alin.

Alegasaun finál

Prokuradór haktuir katak baseia ba produsaun prova arguidu ho intensaun foti katan taa lezadu maibé lezadu defende an ho kadeira nune'e taa kona kadeira kontinua ta kona lezadu nia ulun kanek ba halo taratamentu iha HoREX suku pontu sanulu resin rua no tuir loos katana uza ba atividade agrikultór maibé kontrariu arguidu uza fali ba krime. Prokuradór intende katak arguidu provadu komete krime ne'ebe imputa ba nian. Nune'e husu ba tribunál atu kondena arguidu ba pena prizaun tinan haat fulan neen.

Entretantu, defeza haktuir katak momentu arguidu ho kondisaun lanu maibé nia nafatin rekuinese katak nia halo duni hahalok ne'e hasoru lezadu, arrepende ba nia hahalok diak mau ona ho lezadu sira nain rua moris hamutuk nafatin iha uma nu'udar maun ho alin, foin primeiravés mai hatan iha tribunál. Nune'e husu ba tribunal fo pena kmaan liu adekuadu.

Desizaun

Depoide avalia faktu sira hotu, tribunál prova arguidu fila husi mate uma mosu diskusaun arguidu ba foti katana iha bibi luhan mai taa rahun tiha kadeira masa rua, arguidu ba taa lezadu mak arguidu foti sae kadeira tan netik nia an mak arguidu taa kona kadeira no katana nia hun kona lezadu nia ulun. Lezadu ba halo taratamentu iha HoREX Baukau kanek ne'e suku iha pontu sanulu resin rua.

Bazeia ba faktu sira ne'e hotu tribunál halo alterasaun juridiku husi artigu 138 KP omisídiu simples ba fali artigu 139 (g) nafatin ho forma tentada no tetu mós ba sirkunstánsia atenuante sira hanesan arguidu foin primeiravés mai hatan iha tribunál, nune'e tribunál konklui prosesu ne'e no kondena arguidu ho pena prizaun tinan tolu no suspende ba tinan haat .

Atu hetan informasaun kompleitu, favór kontaktu:

Ana Paula Marçal

Diretora Ezekutiva JSMP

Diresaun e-mail: ana@jsmp.tl

Telefone: (+670) 33238883 | 77040735

Website: <https://jsmp.tl>

info@jsmp.tl